



ԸՆԹԵՐՑԱՐԱՆ 2

ԱՐԴԱ ՊԵՏՐՈՍՅԱՆ

ԸՆԹԵՐՅԱՐԱՆ

Գիրք-տետր

երկրորդ
դասարանցիների
համար



-րդ մաս

նկարիչ՝

ԱՐՏԱԿ ԲԱՂԱՍՏԱՐՅԱՆ



«ՆՈՐ ԴՊՐՈՑ»
հրատարակչություն

ԵՐԵՎԱՆ
1997



© «ՆՈՐ
ԴՊՐՈՅ»

հրատարակչություն
1997

ԱՒԴԱ ՊԵՏՐՈՍՅԱՆ


ԸՆԹԵՐՅԱՐԱՆ

Մայրենիի գիրք-տետր
Երկրորդ դասարանցիների
համար
(Երկրորդ մաս),
84 էջ

Եր., «ՆՈՐ ԴՊՐՈՅ», 1997

Արդեն իջնում է եղյամը սարին,
Յուրտ քամին արդեն քաղաք է մտնում,
Բայց համառում է մի տերև ծառին...
Արդյոք դրա մեջ նա ի՞նչ է գտնում:

Երևի գիտի, որ կրնկնի դողով,
Մամուռ կղառնա մամռած մի քարի...
Եվ ուզում է, որ թեկուզ մի օրով
Իրենով աշնան կյանքը երկարի:



եղյամ - խոտի վրա (գեանին) մատած աստղանման սառցային բյուրեղիկներ
համառել - չզիջել
մամուռ - քարերին, ծառերին և այլուր աճող անարմատ բույս
մամռած - մամուռով ծածկված



Դու՛րս գրիր այն երկտողը, որում սառնություն, ցուրտ կա:



Ի՞նչ կղառնա տերևը, երբ ընկնի ծառից: Դու՛րս գրիր համապատասխան տողը:



Փորձիր բացատրել՝

Եվ ուզում է, որ թեկուզ մի օրով
Իրենով աշնան կյանքը երկարի:



Ի՞նքն հորինիր.

ՁԵՆԿԵՑ ԽՆԴ

ՃԱՆԱՊԱՐՀՈՐԳ ՏԵՐԵՎԸ



Handwriting practice lines with a faint background illustration of a tree and a bee.

Ոգնի

Դու, իհարկե, գիտես, որ ոգնին փշեր ունի:

Էլ ի՞նչ գիտես նրա մասին:

Ոգնին բույն չի շինում, հանգստանում է թփերի տակ, ծառերի բներում առաջացած փչակներում, տերևների մեջ. կծիկի նման կծկվում է ու քնում:

Սովորաբար որսի է դուրս գալիս մութն ընկնելուց հետո: Գարնանը երբ շատ սոված է լինում, ցերեկն էլ է կեր փնտրում:

Չմռանը ոգնին քնում է: Արթնանում է վաղ գարնանը՝ շատ նիհարած ու սոված, կողքի փշերն էլ՝ կախված:

Ոգնու ձագերը կույր են ծնվում, փշեր էլ չեն ունենում:

Ծնվելուց մի քանի ժամ հետո փշերը հայտնվում են: 16 օր հետո բացվում են աչքերը, եւ ձագերը սկսում են տեսնել: Նրանք մի ամիս միայն մոր կաթն են ուտում:



Թոշուններին թագավոր պիտի նշանակվեր: Աստված ասաց.
- Թոշուններից ով շուտ հասնի ինձ մոտ, նրան կկարգեն թագա-
վոր:

Արծիվը լայն բացեց թևերը և թռավ երկինք: Թռա՛վ,
թռա՛վ, ետ դարձավ նայեց, տեսավ՝ ոչ մի թռչուն չի ե-
րևում:

- Է՛, ես շա՛տ եմ առաջ,- ասաց Արծիվը,- ցած իջ-
նեմ, փոքր-ինչ հանգստանամ:

Իջավ բարձր լեռան գագաթին, նստեց սառն
աղբյուրի ակին, լվացվեց, ջուր խմեց:

Արծվի թևի տակից աննկատ դուրս թռավ
մի թռչնակ, թևին տվեց, վեր բարձրացավ,
շնչակտուր իրեն զցեց Աստծու մոտ և
չրթչրթաց.

- Ես եկա, ես առաջինը եկա:
- Դու ո՞վ ես, ինչո՞ւ ես եկել:
- Եկել եմ, որ դառնամ թագավոր:
- Քեզանից հետո թռչուն կա՞ ե-

կող:

- Կարծեմ՝ Արծիվը,- մտաբե-
րեց ծիտը:

- Հա՛,- ասաց Աստված,-
շա՛տ ես ճարպիկ ու խելոք,
իսկ և իսկը՝ թագավոր:

Աստված շոյեց ծաի ու-
սերը ու շարունակեց.

- Դե՛, հիմա զնա՛ ու
թեր մի ճիպոտ,
Որ ո՛չ կարճ լինի
Եվ ո՛չ էլ՝ երկար,
Որ ո՛չ ծուռ լինի
Եվ ո՛չ էլ՝ ուղիղ:

- Ճիպտուն ի՞նչ է
որ,- չրթչրթաց թռչ-
նակն ու դարձավ ե-

կած ճանապարհով: Աչքին երևում էին ծանոթ ցանկապատեր, ուր այնքա՛ն
ճիպոտ կար: Եվ էդ օրվանից ծիտը թռչում է ցանկապատից ցանկապատ,
մեկ-մեկ վերցնում է ճիպտուները, նայում, չրթչրթացնում.



- Չի՛, չի՛, է՛ս չի, է՛ն չի,
Չի՛, չի՛, է՛ս իսկի՛ չի:

Թե՛ որ գտնի Աստուծու ասած ճիպտորը,
կդառնա թռչունների թագավոր:

Ու դեռ այսօր էլ ցանկապատի տակ
փոքրիկ մի թռչնակ՝ ուտերը ճերմակ, ճի-
պտ է փնտրում ու չրթչրթում.

- Չի՛, չի՛, է՛ս չի, է՛ն չի,
Չի՛, չի՛, է՛ս իսկի՛ չի:
Չափարժիտն է:



կարգել - նշանակել

*ակ - այն տեղը, որտեղից դուրս է գալիս
(բխում է) աղբյուրի ջուրը*

չրթչրթալ - թռչնային ձայն հանել

չնչակտոր - շունչը կտրվելով

չափար - ցանկապատ

բևին տալ - թռչել



Լրացրո՛ւ.

Արծիվը _____ քի էրը և բռավ երկինք:

Իջավ _____ գագաթին, նստեց _____ ակին, լվացվեց, ջուր խմեց:



Քո կարծիքով ինչո՞ւ Աստված Չափարժտին թագավոր չկարգեց:



Ի՞նչ կմտածի Արծիվը, երբ իմանա Չափարժտի արարքի մասին:



ԻՆՉՊԵՍ ԱՐԾԻՎԸ
ԴԱՐՉԱՎԹՈՂՈՒՆՆԵՐԻ ԹԱԳԱՎՈՐ

ՃՆՃՈՒԿՆԵՐ և ԱՐԾԻՎ

- Թեև իմ ծագուկները ճնճուկներ են,
Արծիվ, բայց տասն են:

- Իսկ ես, ճնճուկ, թեև մի զավակ ունեմ, բայց Արծիվ է:
- Է՛յ, Արծիվ, ովքե՞ր են քո ծնողները:
- Արծիվներ են իմ ծնողները:
- Ա՛յ քեզ երջանի՛կ... Իսկ իմ ծնողները սովորական ճնճուկներ

են:
- Մի՛ նախանձիր, փոքրի՛կ ճնճուկ: Քո ծնողները առավոտից իրի-
կուն
կերակրում են քեզ, իսկ իմ արծիվները՝ միայն առավոտյան ու երեկոյան:

Սովորաբար քանի՞ ձագ են ունենում արծիվները.

Արծիվները: _____:

Արծիվներն ու ճնճուկները իրենց ձագերին ինչպե՞ս են կերակրում. շարունակի՛ր.
Ճնճուկները իրենց ձագերին կերակրում են առավոտից _____:

Արծիվները իրենց ձագերին կերակրում են _____





Չյուն, փափուկ ձյուն, սպիտակ ձյուն,
Չգույշ իջի՛ր աշխարհին,
Ծաղիկները մտել են քուն,
Հողն է նրանց անկողին:

Հանդարտ, կամաց իջի՛ր, այնպես՝
Ծաղիկները չարթնանան,
Ծածկի՛ր նրանց քնքուշ ու հեզ,
Չգո՛ւյշ, զգո՛ւյշ անսահման:

Չյուն, փափուկ ձյուն, սպիտակ ձյուն,
Հանգիստ, խաղաղ իջի՛ր վար,
Ծաղիկները մտել են քուն,
Ծաղիկները ցրտահար:

*հանդարտ - խաղաղ, հանգիստ, մեղմ
հեզ - մեղմ, քնքուշ, նրբին
վար - ներքև
ցրտահար - ցրտից վնասված, ցուրտը տարած*

Էջը ի՛նքդ ձևավորիր:



Չյունն ինչպե՛ս է իջնելու աշխարհին. լրացրո՛ւ:

Նմուշ՝

Հանդարտ, կամաց իջի՛ր, այնպես՝
Ծաղիկները չարթնանան:

Չյուն, փափուկ ձյուն, սպիտակ ձյուն,

Չյուն, փափուկ ձյուն, սպիտակ ձյուն,



Իսկ ձյունն ինչպե՛ս է ծածկելու ծաղիկներին.

Ծածկի՛ր նրանց



Տրված բառերն ու արտահայտությունները համապատասխան տեղերում գրի՛ր.

կատարել, կանաչել, իր գործով զբաղվել, կծկվել

կանաչ հագնել _____

սաստիկ բարկանալ _____

կուշ գալ _____

իր գործին գնալ _____



Բացատրի՛ր.

ցրտահար լինել _____

ձայն տալ _____

սառույցով կապել զետերը _____

ծյունով բռնել _____

դանակի պես սուր քամի _____





Շարունակի՛ր թվել ձմռան օգնականներին.


դանակի պես սուր քամի, սառցե սրեր, _____



Ինչպիսի՞ն է այս պատմության ձմեռը մարդկանց, կենդանիների, թռչունների կարծիքով.


 անպիտան _____ ձմեռ

 _____ ձմեռ

 _____ ձմեռ



Գրի՛ր, թե այս պատմության մեջ զարուհն ինչպես եկավ:



Ես մեր ծերերիցն եմ լսել, մեր ծերերը իրենց պապերից, նրանց պապերն էլ իրենց մեծերից, թե մի ժամանակ մի աղքատ հողագործ է լինում, ունենում է մի օրավար հող ու մի լուծ եզ:

Չմեռը էս աղքատ հողագործի եզները սատկում են: Գարունքը, վար ու ցանքի ժամանակը որ գալիս է, եզ չի ունենում թե վարի, հողը վարձով տալիս է իր հարևանին:

Էս հարևանը վարելու ժամանակ խուփը մի տեղ դեմ է ընկնում, դուրս է գալիս մի կարաս, մեջը լիքը ոսկի: Եզ-

ները լծած թողնում է, վագում է գյուղ՝ հողատիրոջ մոտ:

- Հե՛յ, աչքդ լուս,- ասում է,- քու հողում մի կարաս ոսկի դուրս եկավ, արի տար:

- Չէ՛, ախպեր, եղ իմը չի,- պատասխանում է հողատերը: - Հողի վարձը դու տվել ես, դու վարում ես, էն հողում ինչ էլ դուրս գա, քոնն է, ոսկի է դուրս եկել, թող ոսկի լինի, էլի քոնն է:

Սկսում են վիճել: Ես ասում է՝ քոնն է, նա, թե չէ՝ քոնը: Վեճը տաքանում է, իրար ծեծում են: Գնում են թագավորի մոտ զանգատ:

Թագավորը մի կարաս ոսկու անունը լսում է թե չէ՝ աչքերը չոքս է բաց անում: Ասում է.

- Ոչ քոնն է, ոչ դրանը, իմ հողում կարասով ոսկի է դուրս եկել՝ իմն է:

Իր մարդկանցով գնում է, որ հանի բերի: Գնում է կարասի բերանը բաց անել է տալիս, տեսնում՝ ի՞նչ ոսկի - կարասը լիքը օձ...

Չարհուրած ու կատաղած ետ է գալիս: Հրամայում է՝ պատժեն անգետ ռանչպարներին, որ համարձակվել են իրեն խաբել:

- Չէ՛, թագավորն ապրած կենա,- գոռում են խեղճերը,- մեզ ինչո՞ւ ես սպանում. լավ չես տեսել, օձ չկա էնտեղ, ոսկի է, ոսկի...

Թագավորը նոր մարդիկ է ուղարկում, որ գնան ստուգեն: Մարդիկ գնում են, ետ գալիս, թե՛ ճշմարիտ, ոսկի է:

- Վա՛հ,- զարմանում է թագավորը: Ասում է.

- Երևի լավ չտեսա, կամ տեսածս էն կարասը չէր:

Վեր է կենում մին էլ գնում:

Կարասը բաց է անում՝ դարձյալ մեջը լիքը օձ:

- Էս ի՞նչ հրաշք է, ի՞նչ միտք ունի,- չեն հասկանում:

Թագավորը հրամայում է, հավաքում է իր երկրի իմաստուններին:

- Բացատրեցեք,- ասում է,- ո՞վ իմաստուններ, ի՞նչ հրաշք է սա: Էս հողագործներն իրենց հողում կարասով ոսկի են գտել: Ես եմ գնում՝ կարասը լիքն օձ է դառնում, սրանք են գնում՝ ոսկի: Էս ի՞նչ կնշանակի:

- Դրա բացատրությունն էս է, թագավոր, եթե չես բարկանա,- ասում են ի-



մաստունները: - Կարասով ոսկին աղքատ հողագործներին պարգև է որկած իրենց ազնվության ու արդար աշխատանքի համար: Երբ նրանք են գնում, իրենց արդար վարձին են գնում ու միշտ էլ ոսկի գտնում, իսկ երբ դու ես գնում, գնում ես ուրիշի բախտը հափշտակես, նրա համար էլ ոսկու տեղ օձ ես գտնում:

Թագավորը ցնցվում է, խոսք չի գտնում պատասխանելու:

- Լավ,- ասում է,- դե հիմի են որոշեցեք, թե էդ երկուսից որի՞ն է պատկանում գտած ոսկին:

- Իհարկե հողատիրոջը,- ձայն է տալիս վարող գյուղացին:

- Չէ, վարողինն է,- մեջ է մտնում հողատերը: Ու նորից սկսում են կռվել:

- Լավ, լավ, կացե՛ք,- կանգնեցնում են իմաստունները,- ի՞նչ ունեք դուք՝ տղա կամ աղջիկ:

Դուրս է գալիս, որ մեկը մի տղա ունի, մյուսը՝ մի աղջիկ: Իմաստունները վճռում են, որ սրանք գնան իրենց աղջիկն ու տղեն իրար հետ պսակեն, էն գտած ոսկին էլ տան նրանց: Էստեղ համաձայնում են բարի մարդիկ, ուրախանում են, ու կռիվը վերջանում է, սկսում է հարսանիքը: Օխտն օր, օխտը գիշեր հարսանիք են անում, կարասով ոսկին էլ, որ պարգև էր որկած իրենց ազնվության ու արդար աշխատանքի համար, տալիս են իրենց զավակներին:

Բարին էստեղ, չարը են ազահ թագավորի մոտ:

մի օրավար հող - մեկ օրում վարելու հող

գարնուրած - սարսափած

ռանչպար - հողագործ

որկած - ուղարկած

դուրս է գալիս - պարզվում է

մի լուծ եզ - մի գութանով վար անող եզներ

պարգև - նվեր, ընծա

հափշտակել - խլել, գողանալ



Ընդգծված բառերի կողքին իմաստով մոտ այլ բառեր գրի՛ր:

Կարասով ոսկին աղբառ հողագործներին նվեր (_____) է ուղարկված իրենց ազնվու-
րյան ու ազնիվ (_____) աշխատանքի համար:

Երբ դու ես գնում, գնում ես ուրիշի բախտը խլելու (_____):



Շարունակի՛ր՝ ինչպես նմուշում է արված:

Նմուշ

Խոփը մի բանի է դիպչում:

- Խոփը դեմ է քնկնում մի բանի:

Վեճը սաստկանում է:

- Վեճը տարանում է:

Գնում է քազավորին բողբոջելու: - _____

Հրամայում է՝ պատժել
անզետ հողագործներին: _____



Վերնագրի՛ր կարասի պատմածը:

Չեմ հիշում քանի տարի էի մնացել հողում: Մի օր ինչ-որ բան ինձ դեմ առավ: Ասացի՛ լավ է, հիմա
ինձ հողից կհանեն: Այդպես էլ եղավ, մի գյուղացի ինձ հանեց ու բողբոջ գնաց:

Մեկ էլ տեսնեմ մի քազավոր եկավ, նայեց ինձ, զույնը զցեց ու հեռացավ: Երի ի ոսկիներս նրան դուր
չեկան:



Գի՛մա ի՛նքդ շարունակի՛ր կարասի անունից պատմել:



Շնորհավորի՛ր գյուղացիներին նրանց զավակների ամուսնության առթիվ:



Եթե ուզում ես
շախմատ
խաղալ սովորել,
հետաքրքիր
պատմություններ
կարդալ
այդ հրաշալի
խաղի մասին,
ուրեմն պիտի
ունենաս
Թևան Դավթյանի
«Սովորենք
շախմատ խաղալ»
գրքերը
(չորս գիրք):

ՍՈՎՈՐԵՆՔ ՇԱԽՄԱՏ ԽԱՂԱԼ

Դարեր առաջ Գնդկաստանում մի երիտասարդ թագավոր կար: Նրա անհոգությունն ու ծուլությամբը չափ ու սահման չկար: Երիտասարդ թագավորը մահ մեծամիտ էր ու ինքնահավան: Դա էր պատճառը, որ իմաստուն պալատականները կամաց-կամաց լքեցին նրան: Թագավորը մնաց միայնակ ու դժբախտ, օր օրի հյուժվեց անկողին ընկավ: Պալատում մնացած վերջին իմաստունը, հասկանալով, որ չարությունից չէ թագավորն անբարտավան, այլ անխելքությունից, որոշեց նրան բուժելու ճար գտնել: Երկար, շատ երկար խորհելուց հետո ներկայացավ թագավորին ու այսպես դիմեց.

- Արքա, ես գտել եմ քեզ բուժելու հնարը. դա մի կախարդական խաղ է: Նա ով իմանա այդ խաղի բազում գաղտնիքները, ձեռք կբերի արքային վայել իմաստություն, ժողովրդի առաջնորդին անհրաժեշտ հոգու հարստություն, փառք եւ ուրախություն:

Հիվանդ արքայի հետաքրքրությունը շարժվեց, գունատ դեմքին կենդանություն զգացվեց:

- Սա մի անարյուն պատերազմի դաշտ է, - վստահ ու խորհրդավոր շարունակեց ծերունին: - Այստեղ կան ճանապարհներ, անտեսանելի բլուրներ, նեղ ու աննշմարելի կաճաններ, գետեր ու կամուրջներ...

Թագավորի հետաքրքրությունը զնալով մեծանում էր, իսկ ծերունին պատմում էր ու պատմում: Երիտասարդ արքան կլանված նայում էր մերթ նրա դեմքին, մերթ տախտակին, փորձում հասկանալ ու ճանաչել խաղաքարերի լաշխարհը, որը քիչ էր տարբերվում մարդկանց աշխարհից, իր թագավորությունից: Տախտակի վրա արքան տեսնում էր իրեն, իր ողջ թագավորությունը, փորձում կռահել հակառակորդի մտադրությունները: Եվ այստեղ նա սարսռեց՝ հասկանալով իր վարած կարճամիտ ու անհեթեթ քաղաքականությունը: Չէ՞ որ պետության մեջ ամեն մեկը, ինչպես յուրաքանչյուր խաղաքար շախմատի խաղատախտակի վրա, իր տեղն ու դերն ունի և ուշադրություն ու հարգանք է պահանջում:

... Եվ այսպես ծերունին կարողացավ հիվանդ արքային բուժել, խաղն էլ արագ տարածվեց երկրով մեկ...

Դարեր անցան այդ օրերից: Շախմատը շատ երկրներ ճամփորդեց: Ստեղծագործական այս խաղը յուրաքանչյուր խաղացողի իր ունակությունները դրսևորելու անսահման հնարավորություններ է տալիս:

Մի աղքատ մարդ ու կնիկ են լինում, ունենում են երեք աղջիկ:

Մի օր հերը աշխատելիս է լինում, ծարավում է, մեծ աղջկան ջուրն է դրկում: Էս աղջիկը կուժն առնում է գնում աղբյուրը: Աղբի գլխին մի բարձր ծառ է լինում: Էս ծառը որ տեսնում է՝ իրեն-իրեն միտք է անում.

- Հիմի որ ես մարդի գնամ ու մի որդի ունենամ, անունն էլ դնենք Կիկոս. Կիկոսը գա ես ծառին բարձրանա ու վեր ընկնի, քարովը դիպչի մեռնի...

- Վա՛յ, Կիկոս ջան, վա՛յ...

Տեղն ու տեղը ծառի տակին նստում է՝ սկսում է սուգ անել.

*Գնացի մարդի,
Ունեցա որդի,
Գողակը պոպոզ,
Անունը Կիկոս.
Վեր ելավ ծառին,
Յաճ ընկավ քարին...
Վա՛յ Կիկոս ջան,
Վա՛յ որդի ջան...*

Մերն սպասում է, սպասում, տեսնում է չեկավ, միջնեկ աղջկանն է դրկում: Ասում է. - Գնա մի տես, քույրդ ընչի՛ ուշացավ:

Միջնեկ աղջիկն է գնում:

Մեծ քույրը սրան որ հեռվից տեսնում է՝ ձենն ավելի է բարձրացնում:

- Արի՛, արի՛, անբախտ մորքուր, տես քու Կիկոսն ինչ եղավ:

- Ի՞նչ Կիկոս:

- Բա չես ասի՛



Գնացի մարդի,
Ունեցա որդի,
Գղակը պոպոզ,
Անունը Կիկոս.

Վեր ելավ ծառին,
Յաժ ընկավ քարին...

Վա՛յ Կիկոս ջան,
Վա՛յ որդի ջան...

- Վա՛յ, Կիկոս ջան, վա՛յ,- գոռում է միջնեկ քույրը, նստում է մեծ քրոջ կողքին ու սկսում են միասին սուգ անել:

Մերն սպասում է, սպասում, տեսնում է չեկան, պատիկ աղջկանն է դրկում: Ասում է.

- Աղջի՛, մի գնա տես քույրերդ ի՞նչ եղան: Գնացին ետ չեկան:

Հիմի պատիկ աղջիկն է գնում: Գնում է տեսնում՝ երկու քույրերն էլ աղբրի գլխին նստած լաց են լինում:

- Բա՛, ընչի՞ եք լաց ըլում:

Մեծ քույրը թե՛ բա չես ասի՝

Գնացի մարդի,

Ունեցա որդի,

Գղակը պոպոզ,

Անունը Կիկոս.

Վեր ելավ ծառին,

Յաժ ընկավ քարին...

Վա՛յ Կիկոս ջան,

Վա՛յ որդի ջան...

- Վա՛յ քու մորքուրին, Կիկոս ջան, վա՛յ,- սա էլ է գլխին տալիս ու մյուսների կողքին նստում, ձեն-ձենի տալիս:

Մերն սպասում է, սպասում, տեսնում է աղջիկները չեկան, ինքն է գնում: Հեռվից իրենց մորը տեսնում են թե չէ՝ երեք աղջիկն էլ կանչում են.

- Արի՛, արի՛, անբախտ տատի, տես քոռանդ գլխին ինչ է եկել:


- Ի՞նչ քոռ, ա՛յ աղջկերք, ի՞նչ է պատահել:

Մեծ աղջիկը թե՛ բա չես ասիլ, ա՛յ մեր՝

Գնացի մարդի,

Ունեցա որդի,

Գղակը պոպոզ,



Անունը Կիկոս.

Վեր ելալ ծառին,

Յաժ ընկալ քարին...

Վա՛յ Կիկոս ջան,

Վա՛յ որդի ջան...

- Վա՛յ քոռանան քու տատի աչքերը, Կիկոս ջան, - մերն էլ ծնկանը զարկում է, նստում է աղջիկների կողքին, սկսում է նրանց հետ սուգ անել:

Մարդը տեսնում է կնիկն էլ գնաց աղջիկների ետևից ու սա էլ չեկալ: Ասում է՝ մի գնամ տեսնեմ՝ էս ինչ պատահեց, որ սրանք իրար ետևից գնացին մնացին աղբրում:

Վեր է կենում գնում:

Կնիկն ու աղջկերքը հենց սրա գլուխը հեռվից տեսնում են թե չէ, ձեն են տալի.

- Արի՛, արի՛, անբախտ պապի, արի տես քու Կիկոսի գլուխն ինչ է եկել... Վա՛յ քու Կիկոսին...

- Ի՞նչ Կիկոս, ի՞նչ եք ասում,- զարմանում է մարդը:

Մեծ աղջիկը թե՛ բա չես ասիլ, ա՛յ հեր՝

Գնացի մարդի,

Ունեցա որդի,

Գոսկը պոպոզ,

Անունը Կիկոս.

Վեր ելալ ծառին,

Յաժ ընկալ քարին...

Վա՛յ Կիկոս ջան,

Վա՛յ որդի ջան...

- Վա՛յ, Կիկոս ջան,- ծնկներին տալիս են ու սուգ են անում մեր ու աղջկերք:

Սրանց միջի խելոքը հերն է լինում: Ասում է.

- Ա՛յ հիմարներ, ի՞նչ եք նստել էստեղ ու սուգ եք անում: Ինչքան էլ սուգ անեք, ինչքան էլ լաց ըլեք, հո Կիկոսն էլ կենդանանալու չի: Վեր կացեք, եկեք գնանք մեր տունը, մարդ կանչենք, ժամ ու պատարագ անենք, Կիկոսի քելեխը տանք. լացով ի՞նչ պետք է անենք: Աշխարհքի կարգ է, ինչպես եկել է, էնպես էլ պետք է գնա:

Գ-ու մի՛ ասիլ՝ սրանց ունեցած-չունեցած չորստանին մի եզն է լինում, ունեցած փոշին էլ մի քթոց ալյուր:

Գ-ալիս են էս եզը մորթում, էս մի քթոց ալյուրն էլ հաց թխում, ժողովուրդ են կանչում, ժամ ու պատարագ են անում, Կիկոսի քելեխն ուտեցնում, որ նոր հանգստանում են:

ղրկել - ուղարկել

քթոց - բարակ ճյուղերից հյուսված զամբյուղ



Ընտրիր փակագծերում գրված բառերից ու արտահայտություններից մեկը, գրի՛ր իր տեղում:

_____ մի բարձր ծառ է լինում:
(աղբյուրի մոտ, աղբյուրի գլխին)

_____ ծառի տակին նստում է, սկսում սուգ անել:
(խակուն, տեղնուտեղը)

Կնիկն ու աղջկեքքը հենց սրա գլուխը տեսնում են քն չէ, _____
(կանչում են, ձեն են տալիս)

Արի՛, արի՛, անբախտ պապի, տես քո Կիկոսի _____
(ինչ է պատահել, գլուխն ինչ է եկել, ինչ փորձանք է պատահել)

_____ , ինչպես եկել է, էնպես էլ պետք է գնա:
(կյանքն է այդպիսին, աշխարհքի կարգ է, ինչ արած)



Նամակ գրի՛ր Կիկոսի հարազատներին:



Փորձի՛ր հետաքրքիր պատմություն հորինել.

ԱՅ ԲԵՉ ՉԱՐՄԱՆԱԼԻ ՊԱՏՄՈՒԹՅՈՒՆ...

Մեր մարմինը

Մեր մարմինը մի անսովոր մեքենա է՝ կենդանի մեքենա, որ տեսնում է, լսում, զգում, խոսում, շարժվում, մտածում, խնամում ինքն իրեն և նույնիսկ բազմանում...

Բջջջ

Մեր մարմինը բաղկացած է անթիվ - անհամար բջջջներից: Դրանք շա՛տ-շա՛տ փոքր մասնիկներ են, որոնք կարող ենք տեսնել միայն հատուկ սարքով՝ մանրադիտակով:

Բջջջները շնչում են, սնվում, աճում, շատանում (բազմանում), ծերանում են ու մահանում:

Մահացած բջջջների փոխարեն նոր բջջջներ են «ծնվում»: Յուրաքանչյուր բջջջ արյունից սնունդ ու թթվածին է վերցնում, իսկ ոչ պիտանի նյութերը տալիս է արյանը:

Թթվածինը օդի մեջ եղած տարբեր գազերից մեկն է: Առանց թթվածնի երկրի վրա կյանք չի լինի:

Տարբեր բջջջների մեջ տարբեր գույնի նյութեր կան: Դրանք գունանյութերն են:

Եթե մազերի բջջջների գունանյութը սև է, ուրեմն մազերը սև են:

Այդ գունանյութերից է, որ մարդիկ սևամորթ, սպիտակամորթ կամ կարմրամորթ են լինում:

Ուզո՞ւմ ես իմանալ որ կենդանիներին են կաթնասուն անվանում, ինչո՞ւ են նրանք տարբերվում մյուսներից:

Կմախք, մազածածկույթ, տաքարյուն, կրծքով կերակրվել. այս հատկանիշները բնորոշ են կաթնասունների:

Մարդ արարածն էլ կենդանակալն աշխարհի այս տեսակին է պատկանում:

Կաթնասունները չեն կարող ապրել առանց թթվածնի: Ջրերի խորքերում բնակվող կաթնասունները, օդինակ՝ կետերը, պետք է մերթընդմերթ բարձրանան վերև՝ մակերես, և իրենց թոքերը լցնեն օդով:

Կաթնասունների ծնողները սովորաբար չեն լքում իրենց ձագերին, խնամում, պաշտպանում են նրանց երբեմն երկար տարիներ:

Շարունակությունը կարող եք կարդալ «Իմ առաջին հանրագիտարանի» 22-րդ էջում:

Ուզո՞ւմ ես իմանալ թո բազմաթիվ ինչուների պատասխանները:

Կարող եմ օգնել մի զարմանալի գիրք կա, կոչվում է

«Իմ առաջին հանրագիտարանը»:

Այդ գիրքը հենց թեգ համար է:

Լինում է մի սար,
Էն սարում մի ծառ,
Էն ծառում փչակ,
Փչակում մի բուն,
Բնում երեք ձագ,
Ու վրեն Կկուն:

- Կո՛ւկու, կո՛ւկու, իմ կուկունե՛ր,
Ե՛րբ պիտի դուք առնեք թևեր,
Թռչե՛ք, գնաք,
Ուրախանաք...

Երգում էր մարիկ Կկուն,
Մին էլ, ըհը՛, Աղվեսն եկավ:

- Էս սարը իմն է,
Էս ծառը իմն է,
Ծառում փչակ կա,
Փչակում՝ մի բուն,
Էս ո՞վ է եկել

Տիրացել թաքուն:

Ախ դու Կկու, հիմա՛ր Կկու,
Քանի՞ փոքրիկ ձագ ունես դու:

- Երեք հատ ձագ, աղա՛ Աղվես:

- Երեք հատ ձագ ցույց կտամ քեզ:

Ու չե՛ս ասել, դու, անամոթ,
Մինը ծառա դրկես ինձ մոտ:
Չգիր շուտով մի հատը ցած,
Թե չե՛ կացինս հրեն սրած,
Գնամ բերեն,
Ծառը կտրեն...

- Վա՛յ, չկտրես,
Աստված սիրես,
Էս մինն ահա
Տար քեզ ծառա,
Միայն թե էղպես
Մի ջնջիր մեզ
Բնով-տեղով,
Ամբողջ ցեղով:

Խնդրեց մարիկ Կկուն ու ձագերից մի-
նը ձգեց ներքև:



Աղվեսը՝ հա՛փ, առավ գնաց:

Վայ-վա՛յ, դու-դո՛ւ,

Իմ լավ կուկու.

Ո՞ր սև սարում,

Ո՞ր անտառում,

Ո՞ր քփի տակ

Կորար մենակ...

Վայ-վա՛յ, դու-դո՛ւ,

Իմ խեղճ կուկու...

Լաց էր լինում մարիկ Կկուն, մին էլ,
ըիր՝ Աղվեսը ետ եկավ:

- Էս սարը իմն է,

Էս ծառը իմն է,

Ծառում փշակ կա,

Փշակում մի բուն,

Էս ո՞վ է եկել

Տիրացել քաբուն:

Ախ դու Կկու, հիմա՛ր Կկու,

Քանի՞ փոքրիկ ձագ ունես դու:

- Երկու հատ ձագ, ադա Աղվես:

- Երկու հատ ձագ ցույց կտամ քեզ:

Ախ, չարամիտ դու ավազակ,

Ի՛նչ խաբար է, երկո՛ւ հատ ձագ.

Ի՛նչ, ուզում ես էստեղ գոռով

Լցնես ամբողջ կկուններո՞վ...

Չգիր շուտով մի հատը ցած,

Թե չէ՛ կացինս հրեն սրած.

Գնամ քերեմ,

Ծառը կտրեմ...

- Վա՛յ, չկտրես,

Աստված սիրես,

Էս էլ առ տար,

Ու բող դադար՝

Վերջինը գեթ

Մնա ինձ հետ...

Ադաչեց մարիկ Կկուն ու երկրորդ
ձագն էլ ձգեց ներքև:

Աղվեսը՝ հա՛փ, էս էլ առավ ու գնաց:

- Վայ-վա՛յ, վույ-վո՛ւյ,

Ընչի՞ համար

Եկա ես սար,

Բուն շինեցի,

Չագ հանեցի...

Աղվեսն եկավ,

Տարավ, կերավ,

Երկու, երկու,

Կուկու... կուկու...

Լաց էր լինում մարիկ Կկուն:

Էս միջոցին - դա՛, դա՛, դա՛, Ագռավն
անց էր կենում էն կողմերով: Լսեց Կկվի
լացի ձայնը:

- Էդպես տխուր ու զարհուրիկ

Ի՞նչ ես լալիս, Կկու քուրիկ:

- Ինչպես չլամ, ա՛ սանամեր.

Աղվեսն եկավ էն սրտամեռ,

Գլխիս էսպես փորձանք բերավ,

Չագուկներս տարավ, կերավ:

- Վո՛ւյ իմ աչքին, անխելք Կկու,

Ինչպես իզուր խաբվել ես դու

Սուտ խոսքերից չար Աղվեսի:

Ո՛նց թե սարը իմն է՛ կասի:

Ո՞վ է տվել էն լրբին սար.

Մարն ամենքիս է հավասար...

Ո՞վ կթողնի վեր կենա նա

Ամբողջ սարին գա տիրանա,

Անունը տա սրած կացնի,

Սրան-նրան սուտ վախեցնի,

Ու մինն էսօր, մյուսը երեկ,

Չագեր տանի, ուտի մեկ-մեկ...

Սև գրողի էն տարածին

Ո՞վ է տվել սրած կացին:

Մին էլ որ գա ու սպառնա,

Մի՛ վախենա, քշի գնա:

Էսպես ասավ Ագռավն ու թռավ գնաց:


Ահա կրկին Աղվեսն եկավ:

- Էս սարը իմն է,

Էս ծառը իմն է...

Հազիվ էր ասել, Կկուն քնից գլուխը
հանեց.

- Սուտ ես ասում, դու խաբերա,



Անխիդճ գազան, անկուշտ, ազահ:

Ո՞վ է տվել էստեղ քեզ սար,
Սարն ամենքիս է հավասար:
Ի՞նչ ես եկել սուտ տեր դարձել,
Ես էլ հիմար՝ ճիշտ եմ կարծել,
Չագուկներս տվել եմ քեզ...

Կորի՛, գնա, դու չար Աղվես,
Հերիք ինչքան սուտ ես ասել,
Հիմի գիտեմ, չեմ վախում էլ.
Կացին չունես ծառը կտրես:

- Ո՞վ ասավ քեզ:
- Ագռավն ասավ:
- Ագռա՞վը, լա՛վ:

Ու Ագռավի վրա բարկացած Աղվեսը
պոչը քաշեց,

հեռացավ: Գնաց մի դաշտում սուտ-
մեռուկի տվավ,

վեր ընկավ, իբրև թե սատկել է: Ագ-
ռավն էլ կարծեց՝

իրավ սատկել է, թռավ եկավ վրեն ի-
ջավ, որ աչքերը հանի: Աղվեսը՝ հա՛փ,
հանկարծ բռնեց:

- Ղա՛ - ղա՛ - ղա՛ - ղա՛,
- Աղվես աղա...
- Ա՛յ դու կռավան չարալեզու,
- Ո՞նց թե Կկվին ասել ես դու,
- Թե ես կացին չունեմ սրած...
- Կացին չունե՛մ... դե հիմի կա՛ց...

- Վայ, քեզ մեղա,
Աղվես աղա,
Ես եմ ասել, չեմ ուրանում,
Ինձ քրքրի, ինձ կեր հում-հում,
Տո՛ւր, ինչ պատիժ սիրտդ կուզի,
Բայց մի վերջին խոսքս լսի:
Ես էն սարում, հենց դեմուդեմ,

փչակ - ծառի բնի մեջ առաջացած խոռոչ
տիրանալ - ուժով տեր դառնալ
չարամիտ - չար մտքեր ունեցող
սպառնալ - վախեցնել, ահ տալ
զեք - գոնե
էս միջոցին - այդ ժամանակ

Էնպես մի թանկ պահուստ ունեմ,
Որ չես գունի դու քո օրում

Ոչ մի թառում կամ անտառում:
Ընչի՞ համար էն ահագին
Գանձը կորչի հողի տակին:

Արի գնանք. հանեմ տամ քեզ,
Էնքան ուտե՛ս, էնքան ուտե՛ս...
Թե չլինի ու սուտ դուրս գամ,
Ես հո էստեղ միշտ կամ ու կամ...

- Գնա՛նք, ասավ Աղվեսը: Թե կլինի,
շատ լավ, թե չի լինի, էլի քեզ կուտեմ:
Գնացին:

Վերևից թռչելիս Ագռավը նկատել էր,
որ մի թփում պառկած էր գյուղացու շու-
նը: Աղվեսին տարավ, տարավ, դուրս բե-
րավ ուղիղ էն թփի վրա:

- Ա՛յ, ասեց, էս թփումն է իմ պահուս-
տը:

Աղվեսն ազահ վրա ընկավ թփին. շու-
նը վեր թռավ, կոկորդից բռնեց ու դրեց
տակին: Աղվեսը խեղդվելով սկսեց
խոխոսալ.

- Ա՛խ, ե՛ս... ա՛խ, ե՛ս...
- Չգույշ Աղվես,
- Փորձանքի մեջ
- Ընկնեմ էսպե՛ս...
- Ախ՛, անիրա՛վ
- Դու սև Ագռավ...
- Ինչքան էլ որ լինես զգույշ,
- Չարի համար թե վաղ, թե ուշ,
- Էդ է պահված, Աղվես աղա,
- Ղա՛, ղա՛, ղա՛, ղա՛ ...
- Պատասխանեց Ագռավն ու թռավ:

գարիորիկ - վախեցած, վախվորած
իրավ - ճիշտ, իսկապես
կռավան - կռկռան
չարալեզու - չար լեզու ունեցող, չարախոս
պահուստ - նեղ օրվա համար
պահված բան
պոչը քաշել - բողնել հեռանալ





Գրի՛ր այնպես, ինչպես «Չարի վերջում» է.

Էս ո՞վ է, եկե՛ր, տեղ դարձե՛լ քարուն...

Մին է՛լ որ գա ու վախեցնի...

Սև գրողի է՛ն տարածին
Որտեղի՞՞ց սրած կացին...

Վերջինը զոնն մնա ինձ հետ...



Աղվեսի խոսքերում Կկուն ինչպիսի՞ն է. գտի՛ր և գրի՛ր այդ հատվածները:

Եմուշ

Ու չես ասել, որ, անամոր.



Քո կարծիքով ինչպիսի՞ն է աղվեսը. ինչո՞ւ ես այդպես կարծում:



Եթե հանդիպես կկվին, ի՞նչ կասես:



Ի՞նչ ես կարծում՝ այս պատմության մեջ աղվեսն ինչո՞ւ պատժվեց
(հիշի՛ր վերնագիրը՝ «Չարի վերջը»):

Խորհուրդ տուր աղվեսին:

Թռչնի ձագերը

Ի՞նչ գիտես թռչունների և նրանց ձագերի մասին:

Մայր թռչունը մեկ կամ մի քանի ծու է ածում և թուխս նստում:

Պատահում է այնպես, որ հայր ու մայր թռչունները հերթով են թուխս նստում: Որքան մեծ է թռչունը, այնքան երկար ժամանակ է թուխս նստում:

Ձագուկները կտուցով ճեղքում են ձուն և ինքնուրույն դուրս գալիս նրա միջից:

Մայրն ու հայրը օրը մի քանի անգամ իրենց կտուցներով ուտելիք (սնունդ) են բերում ձագուկների համար:


Ծնողները ցրտին տաքացնում են ծտերին, պաշտպանում անձրևից, այրող արևից, թշնամիներից:

Երբ ձագերը քիչ մեծանում են, ուժ հավաքում, ծնողները նրանց թռչել են սովորեցնում:

Միայն կկուն է անհոգ ապրում՝ բույն չի հյուսում, թուխս չի նստում, չի խնամում ձագերին: Նա իր ձվերը զցում է տարբեր թռչունների բների մեջ, ու՝ ոչ մի հոգս: Հենց որ կկվի ձագը ձվից դուրս է գալիս, սկսում է «տանտիրոջ» ձվերը բնից դուրս զցել, որ իր կերը շատ լինի: Գիտե՞ս ինչ շատակերն է կկվի ձագը: Կարճ ժամանակում նա «խորթ» ծնողներից ավելի խոշոր է դառնում:

Իսկ «խորթ» ծնողները այդպես էլ չեն իմանում, որ իրենք ուրիշի ձագին են կերակրում, շահում պահում:

Այ քեզ կկու՜...



Քանի՞ ձագ են ունենում թռչունները:

Թռչնի ձագերը ինչպե՞ս են ձվից դուրս գալիս:

Թռչուններն ինչպե՞ս են կերակրում ձագերին:

Թռչուններն ինչպե՞ս են խնամում ձագերին:



Ծիտիկն ու Մուկիկն ախպերացան:
Գետի ափին բուն շինեցին, մտան մեջը:

Մի օր Ծիտը գնաց բուջուջ անելու, ետ
եկավ տեսավ Մուկիկը մեռել է: Ծնկանը
զարկեց.

- Վա՛յ, ախպեր ջան, վա՛յ...

Օխտը ճամփի մեջտեղ նստեց, հողը
փորեց, տվավ գլխին.

- Վա՛յ, ախպեր ջան, վա՛յ...

Ձեռի վրա Լորիկն եկավ.

- Ծիտիկ-միտիկ, չալփետուրիկ,
Հողն ինչո՞ւ ես տալի գլխիդ:

- Թաո՛ւ, քաո՛ւ, - ասաց Ծիտը,-
Ես որ չտամ, ո՞վ տա հապա.

Մուկիկի պես ախպեր մեռավ,
Աշխարհքն էսպես մնաց անտեր,

Ես որ հողը տամ իմ գլխին,

Մե՞ծ բան է...

- Ափսո՛ս, ափսո՛ս,- ասավ Լորը,-
Մուկիկի պես մարդը մեռավ,-
Ասավ, իրեն էնքան զարկեց,
Թևը կտորեց կախ արավ:
Ծառը ասավ.

- Լորիկ քուրիկ, ճտճտուրիկ,
Ինչո՞ւ ես մի թևդ կտորել:
- Բա ի՞նչ անեմ, որ չկտորեն:
Մուկիկի պես մարդը մեռավ,
Աշխարհքն էսպես մնաց անտեր.
Ծիտը գլխին հող է տալի,
Ես որ իմ մի թևը կտորեմ՝
Մե՞ծ բան է...

- Ախ-վախ, ախ-վախ, - կանչեց ծա-
ռը.

Մուկիկի պես մարդը մեռնի՞...
Գնաց եկավ, գնաց եկավ,
Իր ճյուղերը զարկեց իրար,
Ջարդեց, մնաց ճղնակոտոր:
Քարերն ասին.

- Ծառիկ-մառիկ, կանաչ թառիկ,
Ճյուղերդ ինչո՞ւ վեր թափեցիր:
- Վա՛հ, ձեր տունը Աստված շինի,
Մուկիկի պես մարդը մեռավ,
Աշխարհքն էսպես մնաց անտեր.
Ծիտիկն էնտեղ հողը գլխին,
Լորը իրեն թևը կտորած,
Իմ ճյուղերը ես որ թափեմ՝
Մե՞ծ բան է...

- Հազար ափսո՛ս,- քարերն ասին.
Մուկիկի պես մարդը մեռավ,
Ու գոռալեն, գոգոռալեն
Գլորվեցին սարերն ի վար,
Թափվեցին ցած՝ ջրերի մեջ:
Ջրերն ասին.

- Ի՞նչ պատահեց, ա՛յ գիժ քարեր,
Չէ՞ դուք ձեր տեղն անժած էիք,
Ի՞նչ եք եղպես ցած գլորվում:
Էլ ի՞նչ անժած. բա չե՞ք ասիլ,
Մուկիկի պես մարդը մեռավ,

Աշխարհքն էսպես մնաց անտեր.
Ծիտիկն էնտեղ հողը գլխին,
Լորիկն իրեն թևը կտորած,
Ծառը մնաց ճղնակոտոր,
Մենք մեր տեղից որ գլորվենք՝
Մե՞ծ բան է...

- Վա՛շ-վի՛շ, վա՛շ-վի՛շ, ի՛նչ իմացանք,
Մուկիկի պես մարդն էլ մեռնի՞...
Ջրերն ասին. խառնվեցին,
Ու գնացին պղտոր-մղտոր:
Էն կողմերից տմբտմբալով
Պառավն եկավ: Էս որ տեսավ.

- Ա՛յ գլգլան ջրեր,- ասավ,
Գուք պարզ էիք միշտ ու մարմանդ,
Ինչո՞ւ էսօր պղտորվեցիք:
- Վա՛յ քու տունը քանդվի, պառա՛վ,
Բա չե՞ս լսել ինչ է եղել.

Մուկիկի պես մարդը մեռավ,
Աշխարհքն էսպես մնաց անտեր.
Ծիտը էնտեղ հողը գլխին,
Լորը իրեն թևը կտորած,
Ծառը եղավ ճղնակոտոր,
Քարերը ցած գլտոր-մլտոր,
Մենք պղտորվենք՝ մե՞ծ բան է...

- Հողն իմ գլխին,- պառավն ասավ,-
Մուկիկի պես մարդը մեռնի՞...
Ջարկեց իրեն ու ծվատեց,
Երեսն արավ արյունլվիկ,
Մազաքճուճ՝ գլուղը վազեց:
Գլուղում ասին.

- Պառավ տատիկ. ի՞նչ պատահեց,
Ինչո՞ւ երեսդ արյունլվիկ:

- Վա՛յ, քոռանամ, մի՛ խոսեցնեք:
Մուկիկի պես մարդը մեռավ,
Աշխարհքն էսպես մնաց անտեր.
Ծիտը էնտեղ հողը գլխին,
Լորը իրեն թևը կտորած,
Ծառը եղավ ճղնակոտոր,
Քարերը ցած գլտոր-մլտոր,
Ես իմ երեսն արյունոտեմ՝

Մե՞ծ բան է...

- Ափսո՛ս, ափսո՛ս, հազար ափսո՛ս,
Որ էն տեսակ մարդը մեռավ...

Ափսոսացին էն գյուղացիք,
Սև կապեցին, սուգ նստեցին.

- Վա՛յ, ո՞վ ասավ, ո՞վ ասավ...

- Հողագլուխ Ծիտիկն ասավ,
Թե՛ր կոտրած Լորիկն ասավ,
Ճղնակոտոր Ծառիկն ասավ,
Գլտոր-մլտոր Քարիկն ասավ,
Պղտոր-մղտոր Ջրիկն ասավ,
Մազաքծու՛մ Պառվիկն ասավ,
Մեր Մուկիկը մեռել է ...

Էլ ո՞վ մնաց էս աշխարհքում,
Էլ ի՞նչ ապրենք էս աշխարհքում,

Էսպես ասին
Ու միասին
Լացով, կոծով,

Ճիչ-գոռոցով

Հավաքվեցին ու գնացին,

Քարիցն ընկան կոտորվեցին:



անժամ - անշարժ

ճղնակոտոր - ճյուղերը կոտրված

մարմանդ - մեղս, հանդարտ, բույլ

մազաքծու՛մ - մազերը խառնած, զգզված



Թվարկի թ «Մուկիկի մահը» ստեղծագործության հերոսներին:



Ի՞նչ արեցին, երբ լսեցին մկան մահվան լուրը.

Միտք հոտը փորեց, տվեց գլխին:

Ճառը

Լորիկը

Բարևը

Պատասխանը

Ջրերը



Այս պատմության մասին փոքրիկ հայտարարություն գրի՛ր՝
լրագրում տպագրելու համար:

Blank lines for writing a short announcement.

Երգը Լեյլա Կարապետյանի «Երգարանից» է:
Այդ «Երգարանում» շատ հին ու նոր մանկական երգեր կան:

ԼՈՐԻԿ

Չափախոր և սմառչիկ

Ա - ու - փառ - յան փը - չեց հով,
 Ար - տը ծփաց, դարձավ ծով,
 Արտի միջից թռավ լոր,
 Թռավ, ընկավ սար ու ձոր:
 Այ լորիկ, ջա՛ն, լորիկ,
 Կլորիկ ու թմբլիկ:
 Լորիկ, լորիկ, այս տարի
 Արտս ցանել եմ գարի,
 Ուր որ գնաս՝ շուտ արի,
 Արտիս միջին ծվարի:
 Այ լորիկ, ջա՛ն, լորիկ,
 Կլորիկ ու թմբլիկ:

Առավոտյան փչեց հով,
Արտը ծփաց, դարձավ ծով,
Արտի միջից թռավ լոր,
Թռավ, ընկավ սար ու ձոր:
Այ լորիկ, ջա՛ն, լորիկ,
Կլորիկ ու թմբլիկ:
Լորիկ, լորիկ, այս տարի
Արտս ցանել եմ գարի,
Ուր որ գնաս՝ շուտ արի,
Արտիս միջին ծվարի:
Այ լորիկ, ջա՛ն, լորիկ,
Կլորիկ ու թմբլիկ:

ՊՈՒՅՊՈՒՅ ՄԿՆԻԿԸ



Մի երկիր կա՝ Հնդստան,
 Մի մուկիկ կար՝ ճստճստան,
 Հնդստանի անտառում,
 Կոկոս ծառի ծակուռում:

Ապրում էր նա իր համար
 Բարիքներում անհամար,
 Ու մի օր լավ, մի օր վատ՝
 Ուներ ապրուստ քիչ թե շատ:

Օրը մի ճանճ, մի միջատ,
 Մի ծեղ, արմատ, ցորնի հատ
 Ուտում էր ու քեֆ անում,
 Խաղում, ապրում իր բնում:

Իր անունը Պույպույ էր,
 Ազգանունը Ճստունի:
 Լացը՝ վա՛յ-վա՛յ, վո՛ւյ-վո՛ւյ էր,
 Երգը՝ տարայ-նա՛յ-նի՛ նի՛:

Էսպես մուկիկն ապրում էր,
 Վազվզելով վար ու վեր,
 Ու մի օր էլ ծանր ու մեծ
 Իրեն-իրեն միտք արեց.

«Տունս կոկոս ծառի տակ,
 Բերան չունե՞մ, թե՞ ճաշակ.
 Ճանճ կերել եմ, ծեղ կերել,
 Տեսնեմ կոկոսի համն էլ»:

Այս ասելն էր, մեկ էլ, դո՛ւմի,
 Ծառից կոկոսն ինչպես բոմբ
 Ընկավ նրա առաջին:
 Կոկո՛ս, կաղին չէ չնչին:

Կաղնի տեսակ, սեխի չափ,
 Միջուկն անո՛ւշ, յուղալի՛,
 Բայց կեղևն է միայն հաստ,
 Ահա ինչն է ցավալի...

Վրա ընկավ մուկիկը,
 Բացեց սուր-սուր ճանկերը
 Կեղևը հաստ է, ո՞նց անի
 Ու սկսեց վույ-վույը:

«Ախր ի՞նչ է, ի՞նչ կլի,
 Տեսնեմ դրա համն էլի՛:
 Մի քիչ կոկոս, մի քիչ ջուր,
 Գոնե մի կում, մի պուճուր»:

Դու մի ասի՝ ընկնելուց
Ծակ էր բացվել կոկոսում,
Էդ որ տեսավ, հիմի էլ
Ծակից մտնել էր ուզում:

Բայց տեսեք ինչ պատահեց.
Ծակն էր պստիկ, ինքը՝ մեծ:
Ծակից ներս չի մտնում,
Մովից էլ ուշքն է գնում:

Լաց է լինում մուկիկը...
Ո՞նց լաց չլնի մուկիկը...
Միրտն ուրիշ բան չի ուզում,
Նայում է ու նվազում:

Էսպես լացեց, սուգ արեց,
Էնքան լացեց, սուգ արեց,
Հետն էլ սովից լղարեց:

Որ լղարեց, բարակեց,
Մեկ էլ, ըհը՝ ճանճի պես
Ծակից մտավ, գնաց ներս:

- Էս ի՞նչ էր, տո՛, ո՞նց եղավ,
Էս ծակից ո՞նց ներս մտավ,
- Ո՞նց, ա՛յ, նայի՛ր, էս՝ մուկը,
Էս՝ կոկոսն ու միջուկը:

- Դե, քե՛ֆ արա, օխա՛յ-օխա՛յ,
Դե, պար արի, տարա՛յ, նանա՛,

Դե, միջուկը կե՛ր ու կրծի՛ր,
Կե՛ր միջուկը, հյութը խմի՛ր:

Հա՛մ ուտում է, հա՛մ էլ պարում,
Հա՛մ պարում է, հա՛մ էլ երգում.
«Ինքս Պույսույ, պարս՝ տույտույ,
Էլ ի՞նչ վայ-վայ, էլ ի՞նչ վույ-վույ»:


Էսպես թռչում, ծափ էր տալիս,
Պար էր գալիս, ռանգի, յայլի,
Գոռում էր՝ ջա՛ն, տարայ-նի-նի,
Ա՛յ թե քե՛ֆը ինչպես կլնի:

Էս որ էսպես կերավ, մաքրեց,
Առաջ փոքր էր, հիմա տոզեց,
Տոզեց, դարձավ խոշոր մի մուկ,
Ընկավ կողքին, քնեց խորունկ:

Մեկ օր անցավ, եկավ նոր օր,
Է՛հ, մուկիկը վեր կացավ, որ
Փուչ կոկոսի ծակից դուրս գա,
Ախր դուրսը գործ կա, տուն կա:

«Լավ էր, կերանք բավականին,
Հիմա գնանք մենք մեր բանին»:
Հեշտ էր ասել... Ապա փորձիր,
Մի կոկոսի ծակից անցիր:

Մտնեցավ, որ ծակից դուրս գա,
Պահո՛... Տեսավ ճամփա չկա,



Ինքը խոշոր, ծակը պուճուր...
Այդ է՝ մնաց, բայց մնա ո՞ր...

Լաց է լինում մուկիկը:
Ո՞նց լաց չլնի մուկիկը:
Տոզել է կոկոսում,
Մնացել է նեղ փոսում:

Ախր ի՞նչ բան ունեիր,
Գայիր կոկոս ուտեիր,
Չոռ ուտեիր՝ լավ չէ՞ր, հը՞,
Ցավ ուտեիր, լավ չէ՞ր, հը՞...

«Վա՛յ, վա՛յ, վա՛յ, վա՛յ, - գահրումա՛ր,
Դե լաց, մնա քեզ համար»:

Էսպես լացեց մուկիկը.
Էնքան լացեց մուկիկը,
Հետն էլ սովից լղարեց:

կոկոս - արևադարձային բույս
ծակուռ - փչակ
բոմբ - ռումբ
սպրուտ - սպրեյու միջոց

Որ լղարեց, բարակեց,
Մեկ էլ, ըհը՛, սուս ու փուս
Ծակից նորից ելավ դուրս:

Վա՛հ, էս ինչ էր, էս ո՞նց եղավ,
Բա էս ծակից ո՞նց դուրս եկավ,
Ո՞նց... ա՛յ, նայի՛ր, էս ես՝ մուկը,
Էն՝ կոկոսը, էն՝ միջուկը:

Տեսա՞ր լավ բան, կեցցես Պուլպուլ,
Տո՛, էլ ի՞նչ «վայ», էլ ի՞նչ «վույ-վույ»,
Տո՛, քե՛ֆ արա, օխա՛յ, օխա՛յ,
Դե, պա՛ր արի, տարա՛յ-նի-նայ...

Հա՛մ թռչում է, հա՛մ պարում է,
Հա՛մ երգում է, հա՛մ կանչում է,
Ջա՛ն, քե՛ֆ արա, տարա՛յ-նի-նի՛,
Ա՛յ թե քե՛ֆը ինչպես կլնի:

ծեղ - չոր խոտ
նվազել - քշանալ, պակասել, բարակել
լղարել - նիհարել
ռանգի, յայի - պարի տեսակներ
տոզել - գիրանալ, փրվել



Գտի՛ր և դո՛ւրս գրի՛ր համապատասխան հատվածները.

Նմուշ

Բարիքներում անքիվ, անհաշիվ...

Բարիքներում անհամար...

Ինքն իրեն մտածեց

Բայց տեսեր ինչ եղավ

Հենց ասաց, մեկ էլ, դո՛ մի...

Հետն էլ սովից նիհարեց...



Պուլպուլի անունից բոլորին հրավիրի՛ր՝ նշելու կոկոսից դուրս գալը:



Փակագծերում գրված բառերից ու արտահայտություններից ընտրիր մեկը և գրի՛ր իր տեղում.

Ծակից ներս չի մտնում,

Սովից էլ _____:
(ուշաքափվում է, ուշքն է գնում)

Սիրտն ուրիշ բան չի ուզում,

Նայում է ու _____:
(բարակում, նհարում, նվագում)

Ու մի օր էլ _____

Իրեն-իրեն միտք արեց:
(ուրջ-ուրջ, ծանր ու մեծ)

Ուտում էր ու _____

Խաղում, ապրում իր բնում:
(ուրախանում, քեֆ անում)



Պատմի՛ր Պուլպուլի մասին՝

ա) մինչև կոկոսի ընկնելը

բ) կոկոսում քեֆ անելիս

գ) կոկոսից դուրս գալուց հետո:



Այս խորհուրդներից ո՞րը կտայիր Պուլպուլին կոկոսի մեջ մտնելուց առաջ:

Գիտունի հետ քա՛ր քա՛շիր, անգետի հետ փլավ մի՛ կեր:

Յոթ չափի՛ր, մեկ կտրի՛ր:

Մտնելուց առաջ մտածի՛ր, քե ինչպես ես դուրս գալու:

Առուն չքոսած՝ հույ մի ասա:

Ինչի՞ համար են ատամները

Ատամները բերանում մանրացնում են սնունդը: Սուր կտրիչները կտրատում են, սրածայր ժանիքները ավելի են մանրացնում սնունդը, սեղանատամները տրորում, ծամում են այն:

Երեք տարեկանում երեխան ունի քսան ատամ: Մեծ մարդը ունի երեսուներկու ատամ:

Չատիկ

Չատիկը հայերի սիրած ամենահին տոներից է: Այն նշում են մարտի վերջին կամ ապրիլին:

Չատիկի տոնին մարդիկ երկար են պատրաստվել՝ յոթ բաղարջ են թխել, ձու են հավաքել, տու-նուտեղն են մաքրել, հագուստն են նորացրել:

Սկզբում Չատիկը բնության զարթոնելու, զարման գալու տոն է եղել: Հետո այն կապել են Քրիստոսի հարության հետ: Տոնի նախորդ օրը և Չատիկին իրար շնորհավորել են Քրիստոսի հարության առթիվ:

Այդ օրը հավաքվել են եկեղեցում, մատաղ են արել, ձվակոխվներ և ուրիշ խաղեր են կազմակերպել, ներկած ձվեր են իրար նվիրել, կերել-խմել են, երգել, պարել, ուրախացել:

Չատիկի ձվերը խաշել են ու կարմիր ներկել: Տրնդեզից, Ծառզարդարից պահված ճյուղերով թոնիրն են վառել, ծրագ ու մոմ են վառել:

Շարաթ երեկոյան հավաքվել են սեղանի շուրջ: Սեղանին ձու է եղել ու ձկնեղեն, յուղով պատրաստված կերակուրներ:

Քանի որ Չատիկի տոնին միշտ ձու է եղել, խաղերի ժամանակ ձվի մասին հանելուկներ են գուշակել:

Այսպես՝

Մի տուն ունեն՝ դուռ չունի,
Դուրսն արծաթ է, մեջը՝ ոսկի:


Այսօր կլոր մարմար քար,
Վաղը կթռչի վերուվար:

Կարաս ունեն մի պուճուր,
Մեջը՝ երկու գույնի ջուր:

Ինչ տուն է՝ քարով խփես, կքանդվի,
Էլ չի շինվի:

Չատիկի հետ կապված շատ առած-ասացվածքներ կան.

Ունևորի համար միշտ զատիկ է:
Կարմիր ձուն զատիկին կսագի:
Կարմիր ձու տուր, կարմիր օր տամ:
Չատիկն առանց ձվի չի լինի:
Հավը կուտե հատիկ-հատիկ,
Ծով ձմեռեն կելնե Չատիկ:



Չատիկին երեխաները զատիկ բզեզ են բռնել, դրել են ձեռքներին ու՝ ասել.

Չատիկ, Չատիկ, նավակատիկ.
Արի նստի մեր տան մոտիկ,
Ես քեզ կուտամ խառ գուլպա,
Արի, խեր բեր մեր տան վրա:

Փետրվարի վերջին, մարտի սկզբին ափսեների մեջ ցորենն ու գարի են ցանել, որ ծլի: Չատիկի օրը այդ ափսեները դրվել են սեղանին:

Հետո այդ ծիլերը զցել են ջուրը կամ արտում, որ բերքը առատ լինի:

Չատիկին վերաբերող հատուկ երգեր են երգել.

Դռան առաջ հերկեցին,
Չատիկի ձվեր ներկեցին,
Դրկիցին (հարևանին) ողջույն տվեցին:
Լուսնակն անուշ, հովն անուշ
Հում կաթի պաղ սերն անուշ:

Չատիկի
տոնի մասին
ամեն ինչ կարող եք
կարդալ Ռուդիկ
Հարայանի
«Չատիկ» գրքուկում:



ԳՆՂԻԿ-ՔՈՔՈՆԻԿ

Ռուսական ժողովրդական հեքիաթ

Լինում են, չեն լինում մի պառավ ու մի ծերուկ են լինում: Մի օր ծերուկը պառավին խնդրում է.

- Պառավ ջան, մի գնդիկ-բոքոնիկ թխիր:
- Ինչո՞վ թխեմ, այլուր չունենք:
- Է՛, պառավ ջան, տաշտակը քերիր, մեջը ավլիր, կարող է մի բան դուրս գա:

Պառավը վերցնում է սագի թևիկը, տաշտակը քերում-քերքրում, մեջը ավլում, հավաքում է մի բուռ այլուր:

Թխում է պառավը մի գնդիկ-բոքոնիկ, դնում պատուհանի գոգին, որ սառի:

Գնդիկ-բոքոնիկը մնում է մնում ու հանկարծ լուսամուտից գլորվում նստարանին, նստարանից՝ հատակին, հատակի վրայով՝ դեպի դուռը, շենքից ցատկում է նախասենյակ, նախասենյակից՝ գլորվում բակ, այնտեղից դուրս է թռչում ու գլորվում ճանապարհով:

Գլորվում է գնդիկ-բոքոնիկը ճանապարհով, դեմն է դուրս գալիս մի նապաստակ:

- Գնդիկ-բոքոնիկ, գնդիկ-բոքոնիկ, ես քեզ կուտեմ:
- Մի՛ կեր ինձ, շղիկ նապաստակ, ես քեզ համար մի երգ կասեմ,- ու երգում է. «Գնդիկ-բոքոնիկն եմ ես, տաշտակից քերված, կողքերից ավլած, հում սերով հունցված, յուղով գնդված, լուսամուտին սառեցրած: Ես տատիկից փախել եմ, ես պապիկից փախել եմ, քեզնից փախչելն ի՛նչ է որ...»:

Ու գնում է իր ճամփան գնդիկ-բոքոնիկը, կորչում նապաստակի աչքից:

Գլորվում է գնդիկ-բոքոնիկը, գլորվում, մեկ էլ դեմն է դուրս գալիս գայլը:


- Գնդիկ-բոքոնիկ, գնդիկ-բոքոնիկ, ես քեզ պիտի ուտեմ:
- Մի՛ կեր ինձ, գորշ գայլուկ, ես քեզ համար մի երգ կասեմ. «Գնդիկ-բոքոնիկն եմ ես, տաշտակից քերված, կողքերից ավլած, հում սերով հունցված, յուղով գնդված, լուսամուտին սառեցրած: Ես պապիկից փախել եմ, ես տատիկից փախել եմ, նապաստակից փախել եմ, քեզնից փախչելն ի՛նչ է որ...»:

Գլորվում է գնդիկ-բոքոնիկը, կորչում գորշ գայլի աչքից:

Գլորվում է գնդիկ-բոքոնիկը, գլորվում, հանկարծ դեմն է դուրս գալիս արջը:

- Գնդիկ-բոքոնիկ, գնդիկ-բոքոնիկ, ես քեզ պիտի ուտեմ:
- Ինձ մի՛ կեր, ծուռթաթ արջ, ես քեզ համար մի երգ կասեմ,- ու երգում է. «Գնդիկ-բոքոնիկն եմ ես, տաշտակից քերված, կողքերից ավլած, հում սերով հունցված, յուղով գնդված, լուսամուտին սառեցրած: Ես պապիկից փախել եմ, ես տատիկից փախել եմ, նապաստակից փախել եմ, ես գորշ գայլից փախել եմ, քեզնից փախչելն ի՛նչ է որ...»:

Գլորվում է գնդիկ-բոքոնիկը, կորչում արջի աչքից:



Գլորվում է գնդիկ-բոբոնիկը, գլորվում, ու հանկարծ դեմն է դուրս գալիս աղվեսը:
 - Բարև, գնդիկ-բոբոնիկ, էս ի՞նչ լավիկն էս:

Իսկ գնդիկ-բոբոնիկը երգում է. «Գնդիկ-բոբոնիկն եմ ես, տաշտակից քերված, կողքերից ավլած, հում սերով հունցված, յուղով գնդված, յուսամուտին սառեցրած: Ես պապիկից փախել եմ, էս տատիկից փախել եմ, նապաստակից փախել եմ, գորշ գալյուկից փախել եմ, ծուռթաթ արջից փախել եմ, քեզնից փախչելն ի՞նչ է որ...»:

- Էդ ինչ լավ երգ է,- ասում է աղվեսը: - Ափսոս՝ էս պառավել եմ, լավ չեմ լսում: Նստի՛ր, խնդրում եմ, քթիս ու մեկ էլ երգիր, մի՛ քիչ բարձր:

Գնդիկ-բոբոնիկը թռչում է աղվեսի քթին ու երգում նույն երգը:


- Շնորհակալ եմ, գնդիկ-բոբոնիկ, շատ լավ երգ է: Ես մեկ էլ կուզեի լսել: Նստի՛ր, խնդրում եմ, լեզվիս ու երգիր վերջին անգամ,- ասում է աղվեսն ու հանում լեզուն:

Գնդիկ-բոբոնիկը հիմարի նման թռչում է աղվեսի լեզվին, իսկ աղվեսը՝ հափ ու կուլ է տալիս խեղճ գնդիկ-բոբոնիկին:



Նկարի զնդիկ-բոքոնիկին և նկարագրի նրան (թշկները, աչքերը, բերանը, ականջները...):

Four horizontal lines for writing.



Արջի անունից պատմիր իր և բոքոնիկի հանդիպման մասին:



Three horizontal lines for writing.



Աղվեսի անունից նամակ գրիր տատիկին ու պապիկին:



Three horizontal lines for writing.



Փորձի՛ր տատիկի եւ պապիկի անունից հայտարարություն գրել բոքոնիկի կորչելու մասին:

Five horizontal lines for writing.

ԿՈՒՎԸ ԳԼՈՒԽ ՉԵԿԱՎ

Երկու ծերունիներ ապրում էին միասին մի բակում:

Նրանց մեջ ոչ մի անգամ վեճ ու կռիվ չէր ծագել: Եվ ահա մի օր էլ ծերունիներից մեկն ասաց մյուսին.

- Այդ ինչպե՞ս է լինում, որ մարդիկ իրար հետ կռվում են:

Արի փորձի համար մի օր էլ մենք կռվենք:

Մյուսը պատասխանեց.

- Ես չգիտեմ, թե ինչից է ծագում կռիվը:

Առաջին ծերունին ասաց.

- Ահա այս կավե ամանը մեջտեղ եմ դնում. ես կասեմ՝ դա իմն է, դու էլ թե՛ չէ, քոնր չէ, իմն է: Սրանից էլ վեճ կծագի, վեճից էլ՝ կռիվ:

Այդպես էլ արին:

Նրանցից մեկն ասաց.

- Դա իմն է:

Մյուսը պատասխանեց.

- Իսկ ես գիտեմ, որ դա իմն է:

Առաջինը նորից ասաց.

- Չէ, քոնր չէ, իմն է:

Այդ ժամանակ երկրորդ ծերունին պատասխանեց.

- Իսկ եթե քոնն է, վերցրո՛ւ, քե՛զ լինի:

Այդպիսով, նրանց՝ իրար հետ կռվելը գլուխ չեկավ:



Ինչո՞ւ հարեւանների կռիվը գլուխ չեկավ:



Քո կարծիքով ինչի՞ց են սկսվում կռիվները:



Ընդգծի՛ր այն առած-ասացվածքները, որոնք համապատասխանում են «Կռիվը գլուխ չեկավ» պատմությանը:

Լավ հարեւանը վատ բարեկամից լավ է:

Կռվի մեջ փլավ չեն բաժանում:

Գայլի հետ ընկերություն արա, փայտը ձեռքիցդ մի՛ գցիր:

Թրի կտրածը կլավանա, լեզվի կտրածը չի լավանա:

ՈՉ ՄԻ ԲԱՆԻՑ ՄԱՐԴՈՒԿԸ

Կար չկար ոչ մի բանից մարդուկ կար: Ոչ մի բանից մարդուկ: Այո, նրա քիթն էլ էր ոչ մի բանից, բերանն էլ: Հագին բան չկար, կոշիկներն էլ ոչ մի բանից էին:

Մի օր մարդուկը քայլում է ճամփով, որ ոչ մի տեղ չէր տանում, և հանդիպում է ոչ մի բանից մկնիկի:

- Լսիր,- ասում է մարդուկը,- դու կատուներից չե՞ս վախենում:

- Ո՛չ,- պատասխանում է մկնիկը: - Այս երկրում կատուներն էլ են ոչ մի բանից, նրանց բեղերն էլ, ճանկերն էլ: Իսկ ես պանիր եմ սիրում: Ես ուտում եմ միայն անցքերը: Ճիշտ է, նրանք հոտ չունեն, բայց քաղցր են:

- Իմ գլուխը պտտվեց,- ասաց ոչ մի բանից մարդուկը:

- Եվ եթե նույնիսկ գլուխդ պատին տաս, ոչ մի բան էլ չի լինի:

Մարդուկը որոշեց փորձել. մի պատ գտավ, որ գլուխը պատին տա: Բայց տես ինչ դուրս եկավ՝ պատն էլ էր ոչ մի բանից: Եվ քանի որ մարդուկը ուժեղ էր թափ առել, խփելիս անցավ պատի մյուս կողմը: Այնտեղ ոչի՛նչ չկար:

Մարդուկը այնքան հոգնեց այդքան ոչ մի բանից, որ քնեց:

Երազում տեսավ իբր ինքը ոչ մի բանից մարդուկ է, քայլում է ոչ մի տեղ չտանող ճանապարհով, հանդիպում ոչ մի բանից մկնիկի:

Երազում մարդուկը նույնիսկ պանրի անցքեր կերավ: Ճիշտ էր ասում մկնիկը՝ այդ անցքերը իսկապես հոտ չունեին և քաղցր էին:





Ինչպիսի՞ն է ոչ մի բանից պանհորը ըստ այս պատմության:



Մարդուկի անունից շարունակիր պատմել:

Գլուխս խփեցի իմ գտած պատին



Հեքիաթից դուրս գրիր ամենազարմանալի հատվածը:



Շարունակիր պատմությունը.

Կար չկար ծիծաղից մի մարդ կար: Նրա քիթն էլ էր ծիծաղից, բերանն էլ: Նա ծիծաղից շորեր էր հագնում: Երբ քայլում էր,

Բարի հսկան՝ փիղը

Պու գիտե՞ս, որ միայն փղերը կնճիթ ունեն: Կարծում ես կնճիթը փղի քի՞թն է:

Ոչ: Այն փղի վերուի շրթունքն է, որ միացել է քթին:

Փիղը կնճիթով շնչում է, խմում է, պաշտպանվում ու լողանում: Կնճիթի ծայրին բռնելու հարմարանք կա, որով կարող է գետնից անգամ շատ փոքր առարկաներ վերցնել:

Ի՞նչ թեթև է քայլում փիղը: Նրա ոտքերի տակ փափուկ նյութից «բարձիկ» կա: Երբ փիղը ոտքը գետնին է դնում, այդ «բարձիկը» մեծանում է: Հենց վերցնում է ոտքը, բարձիկը նախկին չափն է ընդունում:

Երբ փղերի խումբը քայլում է, թվում է, թե նրանք լողում են օդում:

Փղերը սովորաբար խմբերով են ապրում: Խմբում 9-12 փիղ է լինում, որոնք օգնում են իրար, միասին են մեծացնում ծագերին և ունեն առաջնորդ:


Կռվարար, չենթարկվող փղերին խմբում չեն պահում, կամ էլ այդպիսի փիղն ինքն է հեռանում խմբից:

Մարդուց բացի փիղն ուրիշ թշնամի չունի: Ո՞վ կհամարձակվի այդպիսի հսկայի վրա հարձակվել:

Կնճիթը փղի ի՞նչն է.

Փիղը կնճիթով ի՞նչ է անում.

Պատմիր փղերի խմբի մասին.



ԿԱՆԱԶ ԱԽՊԵՐ

Է՛յ, կանաչ ախպեր,
Է՛յ, ճանաչ ախպեր,
Արի՛, քեզ հետ քեր
Արևի շողեր.

Բեր անուշահոտ
Ծիլ, ծաղիկ ու խոտ,
Կարկաչուն վտակ,
Երկինք կապուտակ,

Խատուտիկ հավքեր,
Չրնգան երգեր,
Գառների մայուն,
Խաղ, ուրախություն.

Է՛յ, կանաչ ախպեր,
Է՛յ, ճանաչ ախպեր:



ճանաչ - ծանոթ
հավք - բոչուն
չրնգան - բարձր, զիլ ձայն ունեցող
մայուն - գառների (ոչխարների)
հանած ձայնը



Բանաստեղծության մեջ ինչպիսի՞ն են ծիլը, ծաղիկը, խոտը, վտակը, երկինքը, հավքերը, երգերը:

անուշահոտ՝ ծիլ

_____ խոտ

_____ ծաղիկ

_____ վտակ

_____ երկինք

_____ հավքեր

_____ երգեր



Բանաստեղծությունից դո՛ւրս գրիր քեզ դուր եկած հատվածը:



Ի՞նքն գարնանը հրավեր գրիր:



Չիմա ի՞նքն հորինիր:

ԳԱՐՈՒՆ ԱՂՋԻԿԸ

Ախ, էսպես էլ գիժ ամիս.
Մարդու հանգիստ չի տալիս:
Էսօր ուրախ օր կանի,
Վաղը անձրև ու քամի.

Առավոտը պայծառ օդ,
Կեսօրը մութ ու ամպոտ:
Մին հազնում է սայիտակ,

Մին կանաչին է տալիս.
Մի օր ցուրտ է, մի օր տաք,
Մին խնդում է, մին լալիս...
Ախ, էսպես էլ գիժ ամիս:



մին - մեկ



Դուրս գրիր և նկարի՛ր քեզ դուր եկած հատվածը :

Handwriting practice lines consisting of five horizontal lines.

A rectangular box for drawing, containing several horizontal lines.



Ինչպե՞ս կբացատրես.

Մին խնդում է,
Մին լալիս:

Handwriting practice lines consisting of three horizontal lines.



Նկարիր մարտ ամսվա տարրեր «դեմքերը»:

Լսօր
ուրախ
օր
կանի

Վատ
անօրի
ու
քամի



Գրիր բանաստեղծության այն տողը, որը կընտրեիր որպես վերնագիր:



Չորհինի՞ր հանելուկ մարտ ամսվա մասին:



Երեկ ո՞ւր էիր, Արև...

- Արև, երեկ ամբողջ օրն ո՞ւր էիր, չկայիր:
- Ո՞նց թե չկայի: Ես միշտ կամ:

- Բայց երեկ ես քեզ չեմ տեսել:
- Այո, ես միշտ երկնքում եմ, բայց ամպերը մեկ-մեկ ինձ ծածկում են: Երբ երկինքը ամպամած է լինում, ցերեկը ես չեմ երևում: Գիշերն էլ ամպոտ երկնքում Լուսինն ու աստղերը չեն երևում:
- Եթե ինքնաթիռով թռչեմ, կտեսնե՞մ քեզ:
- Այո, կտեսնես, որովհետև ինքնաթիռը ամպերից վեր է բարձրանում:
- Իսկ եթե ինքնաթիռով քեզ մոտ թռչե՞մ...
- Ինքնաթիռով ինձ հասնել չես կարող: Ինձ ոչ ոք չի կարող հասնել:
- Ափսո՛ս...

Ինչո՞ւ ամպամած եղանակին արևը չի երևում:

Ամպամած եղանակին ինչպե՞ս կարելի է Արևը կամ Լուսինն ու աստղերը տեսնել:

(հատված)

Հողի մեջ քնած գարունն արթնացավ առավոտ կանուխ

Ու դստերն ասաց.

- Ելի՛ր, ձնծաղի՛կ...

Ծաղիկը ելավ, շուրջը ձյուն է դեռ ու դող է քամու,

Իսկ ինքը մենակ, ինքը մերկ ու բաց, ինքը բարալիկ...



Փակագծերում գրված բառերից ընտրի՛ր մեկը և գրի՛ր իր տեղում:

Հողի մեջ քնած գարունն արթնացավ

Առավոտ _____

(շոտ, կանուխ, վաղ)

Ու _____ ասաց.

(աղջկան, դստերն)

Իսկ ինքը մենակ, ինքը _____ ու բաց,


(մերկ, տկոր, անզգեստ)

Ինքը _____

(բարալիկ, բարակ, նիհար)



Գարունն նկարի՛ր և պատմի՛ր նկարածդ:





Ընդգծիր ձեռնարկի վերաբերող բառերն ու արտահայտությունները.

քնքուշ, ծիծաղելի, նազելի, բարալիկ, բարձր, զարնան ավետաբեր, զարնան զարդ, ձյան քազուիկ, մերկ ու բաց, դողացող, քաջ, քաղցր, դառը, անուշահոտ:



Ի՞նչը հորինիր.

ՉՆՏԱԴԻԿՆ ՈՒ ՔԱՄԻՆ

Կարող է միաժամանակ և՛ ձմեռ լինել, և՛ գարուն

Այդպիսի բան միայն հեքիաթներում է լինում: Ո՛չ...

Բարձր սարերի գագաթներին համարյա միշտ ձյուն է նստած: Եթե ամռանը բարձրանաս ու հասնես այդ ձյանը, մանուշակներ, կանաչ խոտ կտեսնես: Այնտեղ վառ գույներով բույսեր են աճում: Նրանք Արևից կլանում են նրա ճառագայթները և դիմանում ցրտին:

Որտե՞ղ կարող է միաժամանակ և՛ գարուն լինել, և՛ ձմեռ:

Ի՞նչո՞ւ բույսերը ձյան մեջ չեն սառչում:

ՎԻՆԻ-ԹՈՒՄ

(1-ին մաս)

Վաղուց, շատ վաղուց, կարծեմ անցյալ ուրբաթ, Վինի-Թոմսը մեն-մենակ ապրում էր անտառում: Նրա տան դռան վերևի տախտակին ոսկե տառերով գրված էր՝ «Միսոր Սանդերս»:

Մի օր Վինի-Թոմսը գնաց զբոսնելու: Անտառի բացատում մեծ կաղնի կար: Կաղնու կատարին ինչ-որ մեկը բարձրաձայն բզզում էր՝ զզզո՞րգ:

Վինի-Թոմսը նստեց ծառի տակ, գլուխն առավ թաթերի մեջ ու սկսեց ծանր ու մեծ միտք անել: Սկզբում մտածեց. «Այս զզր՞գն անպայման մի բան նշանակում է, ո՞վ է հենց այնպես, զուր տեղը բզզում: Ծառը բզզալ չի կարող: Ուրեմն այնտեղ մեկը կա: Իսկ ինչո՞ւ պիտի բզզա, եթե մեղու չէ: Այդպես է, որ կա»:

Դարձյալ մտածե՛ց-մտածե՛ց ու ինքն իրեն ասաց. «Իսկ ինչի՞ համար են մեղուները. մեղր սարքելու: Այդպես է, որ կա»:

Ապա կանգնեց ու ասաց.

- Իսկ մեղրը ինչի՞ համար է. որ ես ուտեմ: Իմ կարծիքով այդպես է, որ կա՛:

Ասաց ու սկսեց բարձրանալ ծառը: Բարձրանում էր ու քթի տակ երգում հենց նոր հորինած



երգը.

*Թե արջուկները մեղու լինեին,
Նրանց մտքովն անգամ չէր անցնի
Տունը կառուցել ա՛յ այսքան բարձր,
Տունն այսքան բարձր չէին կառուցի:*

Նա մի քիչ էլ բարձրացավ... էլի մի քիչ... մի՛ պատիկ էլ... Այստեղ հեաց ու նոր քա-
ռատող - հե.հե.իկ հորինեց.

*Ահա այդ դեպքում, եթե իհարկե,
Մեղուները արջուկ լինեին,
Արջուկների էլ ինչին էր պետք,
Որ բարձրանային այս հսկա կաղնին:*

Մեր մեջ ասած, Թուխը կարգին հոգնել էր, դրա համար էլ հե.հե.իկը այնքան էլ
լավ չստացվեց: Համարյա բան չէր մնացել, մնում էր հասնել այս ճյուղին ու...

Թրա՛խկ:

- Մա՛, - կանչեց Թուխը: Խեղճը խփվում էր ճյուղերին, օդի մեջ գլուխկոնձի էր
տալիս՝ գոռալով.

- Ա՛խ... մա՛... ախր ինչո՞ւ ես... Ախր ոչ մի վատ բան չէի ուզում անել:

Վերջապես ընկավ ներքև ում աճող մասրենու թփերի մեջ:

- Այս բոլորի պատճառը մեղրն է. ախր ես մեղր շատ եմ սիրում, - փնթփնթաց Թու-
խը:

Նա մի կերպ դուրս պրծավ մասրենու թփերի միջից, քթից պոկեց փշերը ու նորից
մտքերի մեջ ընկավ. տեղնուտեղը հիշեց Քրիստոֆեր Ռոբինին: Քրիստոֆեր Ռոբի-
նը Թուխի բարեկամն ու խորհրդատուն էր: Նա խելոք ու բարի տղա էր:



*Փորձիր համապատասխան տեղերում գրել լուրջ մտածել, իզուր, անմիջապես, ցածրաձայն (իր
համար) երգել, շատ հոգնել բառերն ու արտահայտությունները.*

ծանր ու մեծ միտք անել _____

գուր տեղը _____


քթի տակ երգել _____

կարգին հոգնել _____

տեղնուտեղը _____



Դու՛րս գրիր բացատի ու կաղնու մասին պատմող հատվածք ու նկարի՛ր:



Ծառը տեսնելուց և բզզոցը լսելուց հետո ի՞նչ արեց Վինի-Թուխը.
այդ նախադասությունը դու՛րս գրիր:



Մեղուներից մեկն ինչպե՞ս կպատմի այս պատմությունը՝ շարունակի՛ր.

Շա՛տ վաղուց, կարծեմ՝ անցյալ ուրբաթ, աշխատում էինք ու բզզում:



Վինի-Թուխի անունից դիմի՛ր մեղուներին:



Շարունակի՛ր հորինել.

ԱՐՋԸ ՄՏՔԵՐԻ ՄԵՋ

Արջ ճուռքաթք զբռնում էր քաղաքում: Երբ անցնում էր Մտքեր կոչվող փողոցով, տեսավ, որ ծիծաղելի մտքերը ինչ-որ բան են կառուցում:

Արջ

- Արջ, ա՛յ Արջ, դեռ քնա՞ծ ես:

- Քնած եմ, քնած: Կողերս էլ արդեն հոգնել են պառկելուց:

- Լսիր, Արջ, արթնանալու ժամանակը չէ՞:

- Չէ՞:

- Այսպես որ գնա, դու գարնանն էլ քնած կմնաս:

- Մի վախենա: Գարունն ինձ կարթնացնի:

- Ի՞նչ պիտի անի՝ դո՞ւռդ կթակի, կերգի՞, թե՞ կրունկներդ խուտուտ կտա: Արջ, ախր դու շատ դժվարությամբ ես արթնանում:

- Օհո-հո՞: Գարունն ինձ այնպես կթրջի, որ պառկած տեղից վեր կթռչեմ: Դիմա, քանի դեռ չոր եմ, թող քնեմ:



Արջն ի՞նչ է անում ձմռանը:



Գարունն ինչպե՞ս է արթնացնում կենդանիներին:

ՎԻՆԻ-ԹՈՒՄ

(2-րդ մաս)

Եվ այսպես, Վինի-Թոմսը գնաց իր բարեկամ Զրիստոֆեր Ռոբինի մոտ, որն ապրում էր անտառում, կանաչ դուռ ունեցող տնակում:

- Բարի լույս, Զրիստոֆեր Ռոբին:

- Բարի լույս, Թոմս,- ուրախացավ տղան:

- Լսի՞ր, դու պատահաբար փուչիկ չունե՞ս:

- Փուչի՞կ:

- Այո, գալիս էի ու մտածում. «Տեսնես Զրիստոֆեր Ռոբինը փուչիկ ունի՞»:

Պարզապես հետաքրքիր է:

- Փուչիկն ի՞նչ ես անում:

Վինի-Թոմսը նայեց շուրջը, համոզվեց, որ իրենց ոչ ոք չի լսում, քաթը մտեցրեց բերանին ու շշնջաց.

- Մեղը:

- Ի՞նչ:

- Մերը,- կրկնեց Վինի-Թոմսը:

- Ո՞վ է փուչիկով մերը բերելու գնում:

- Ե՛ս,- ասաց Վինի-Թոմսը:

Հենց երեկ երեկոյան Զրիստոֆեր Ռոբինը հյուր էր գնացել իր բարեկամ Դնչիկի տուն, որտեղ նրան երկու փուչիկ էին նվիրել կապույտ ու կանաչ:

- Սրանցից ո՞րն է քեզ դուր գալիս,- հարցրեց Զրիստոֆեր Ռոբինը:

Թոմսը գլուխն առավ քաթերի մեջ.

- Եթե ուզում ես մերը ձեռք գցել, այնպես պիտի անես, որ մեղուների քեզ չնկատեն: Կանաչ փուչիկը տեսնելիս նրանք կմտածեն, որ դա տերև է և քեզ չեն նկատի: Իսկ եթե փուչիկը կապույտ լինի, նրանք երևի կմտածեն, որ այն պարզապես ամպի կտոր է, և դարձյալ քեզ չեն նկատի: Տես-



նես՝ որի՞ն ավելի շուտ կհավատան:

- Դու կարծում ես, որ փուչիկի տակ նրանք քեզ չեն նկատի՞:

- Կարող է նկատեն, կարող է՝ ոչ,- ասաց Վինի-Թուխը: - Ի՞նչ իմանաս՝ ի՞նչ կանցնի մեղուների մտքով:

Թուխը մի քիչ էլ մտածեց և ավելացրեց.

- Ես կձևացնեմ, թե իբր փոքրիկ, թուխ ամպիկ եմ: Այդ դեպքում նրանք երևի գլխի չընկնեն:

- Ուրեմն ավելի լավ է կապույտ փուչիկը վերցնես,- ասաց Քրիստոֆեր Ռոբինը:

Բարեկամներն այդպես էլ արեցին: Թուխը վերցրեց կապույտ փուչիկը, Քրիստոֆեր Ռոբինը՝ իր հրացանը, և երկուսով ճանապարհ ընկան:

Վինի-Թուխը նախ և առաջ մոտեցավ մի ծանոթ ջրափոսի, մի լավ թավալվեց ցեխաջրում, որ կարգին սևանա, նմանվի իսկական ամպիկի: Հետո սկսեցին փուչիկը օդով լցնել: Հենց փուչիկը շատ ուռեց, Ռոբինը թելը բաց թողեց: Վինի-Թուխը փուչիկի հետ երկինք սլացավ ու կախվեց օդում:

- Ուռաա՛,- բացականչեց Քրիստոֆեր Ռոբինը:

- Հը, ո՞նց է,- երկնքից կանչեց Վինի-Թուխը, - հիմա ո՞ւմ եմ նման:

- Դու նման ես արջի, որ թռչում է փուչիկից կախված:

- Փոքրիկ սև ամպիկի նման չե՞մ,- անհանգստացավ Վինի-Թուխը:

- Այնքան էլ չէ:

- Դե լավ, ոչինչ, այստեղից երևի նման եմ: Եվ հետո, ի՞նչ իմանաս, թե մեղուների մտքով ինչ կանցնի:

Դժբախտաբար քամի չկար, և Թուխը բոլորովին անշարժ կախված էր օդում: Նա կարող էր մեղրի հոտն առնել, կարող էր տեսնել մեղրը, բայց մեղրին հասնել ոչ մի կերպ չէր կարող:



Նկարագրիր Վինի-Թուխին:



Պատմիր Վինի-Թուխի մասին:



Պատմիր Քրիստոֆեր Ռոբինի մասին:



Վինի-թուխն ու Քրիստոֆեր Ռոբինը ինչպիսի՞ ընկերներ են: Ինչո՞ւ ես այդպես կարծում:



Վինի-թուխը ի՞նչ կպատմի մեզի մասին:

Ի՞նչ է սիրում արջը

Իմացար չէ՞, որ Վինի-թուխը մեզի շատ է սիրում: Բոլոր արջերն էլ մեզի սիրում են: Երբ մեծ փեթակ են գտնում, թաթը մեջն են մտցնում: Արջը մրգեր և ուրիշ պտուղներ էլ է ուտում: Ուտում է նաև բզեզներ, ձվեր, խխունջներ: Պատահում է, որ արջը հոտից ոչխար կամ գառ է փախցնում:

Թվիր, թե ինչ է ուտում արջը:

ՎԻՆԻ-ԹՈՒՆ

(3-րդ մաս)

Մի քիչ համբերելուց հետո Թուխը նորից խոսեց:

- Բրիստոֆեր Ռոբին,- շշուկով կանչեց նա:

- Ի՞նչ...

- Ինձ թվում է, մեղուներն ինչ-որ բան են կասկածում:

- Ի՞նչ:

- Չգիտեմ: Բայց ինձ թվում է, որ նրանք իրենց կասկածելի են պահում:

- Գուցե նրանք մտածում են, թե դու ուզում ես գողանա՞լ իրենց մեղրը:

- Գուցե: Ի՞նչ իմանաս՝ ինչ կանցնի մեղուների մտքով:

Նորից լուռություն տիրեց, և քիչ հետո նորից լսվեց Թուխի ձայնը՝ Բրիստոֆեր Ռոբին:

- Ի՞նչ:

- Դու տանը հովանոց չունե՞ս:

- Կարծեմ ունեմ:


- Որ այդպես է, շատ եմ խնդրում, գնա տուն, բեր հովանոցդ և այստեղ գլխիդ պահած հետ ու առաջ քայլիր: Շարունակ նայիր ինձ ու ասա. «Վա՛յ, վա՛յ, վա՛յ, կարծես անձրև է գալու»: Կարծում եմ այդ ժամանակ մեղուները մեզ կհավատան:

Բրիստոֆեր Ռոբինը մտքում ծիծաղեց ու ասաց. «Ախ, դու հիմա՛ր արջուկ», - բայց բարձրաձայն նա այդ բանը չասաց, որովհետև շատ էր սիրում Թուխին:

Նա գնաց տուն, բերեց հովանոցը:

- Վերջապե՛ս,- բացականչեց Թուխը, երբ Բրիստոֆեր Ռոբինը վերադարձավ:

- Արդեն սկսել էի անհանգստանալ: Ես նկատեցի, որ մեղուներն արդեն իրենց կասկածելի են պահում:



- Հովանոցը բացե՞մ, թե պետք չէ:

- Բա՛ց արա, անպայման բա՛ց արա: Բայց սպասի՛ր մի րոպե, պետք է հաստատ գործ բռնել: Ամենից կարևորը մեղուների բազուկուն խաբեյն է: Դու նրան տեսնո՞ւմ ես:

- Չէ:

- Դե՛ լավ, ոչինչ, նա երևի քեզ տեսնում է: Իսկ հիմա բա՛ց արա հովանոցը և գլխիդ պահած՝ հետ ու առաջ քայլի՛ր: Շարունակ ինձ նայի՛ր ու ասա՛. «Վա՛յ, վա՛յ, վա՛յ, կարծես թե անձրև է գալու», - իսկ ես կերգեմ Ամպիկի երգը, որը, երևի, երգում եմ բոլոր ամպիկները երկնքում... Դե՛, սկսի՛ր:

Քրիստոֆեր Ռոբինը սկսեց ծառի տակ հետ ու առաջ քայլել և ասել.

- Վա՛յ, վա՛յ, վա՛յ, կարծես թե անձրև է գալու:

Իսկ Վինի-Թուխը երգեց այս երգը.

- Ես Ամպիկ եմ, Ամպիկ, Ամպիկ,

Ոչ թե փոքրիկ թուխ արջուկ,

Ա՛խ, ինչ լավ է լինել Ամպիկ

Ու սավառնել երկնքում:

Ա՛խ, երկնքում կապո՛ւյտ-կապո՛ւյտ

Ե՛վ հարմար է, և՛ խաղաղ,

Դրա համար Ամպիկների

Երգը թե՛ս է, ուրախ:

Բայց մեղուները, որքան էլ տարօրինակ է, Ամպիկին հավատալու փոխարեն, ավելի ու ավելի կասկածելի էին բզզում: Մի քանիսը նույնիսկ դուրս թռան բնից ու սկսեցին պտտվել Ամպիկի շուրջը: Իսկ ամենակասկածոտներից մեկը նույնիսկ մի քանի վայրկյան Ամպիկի քրին նստեց:

- Հե՛յ, Ռոբին,- գոռաց Ամպիկը:

- Ի՞նչ:

- Ես մտածեցի, մտածեցի ու գլխի ընկա: Սրանք ճիշտ մեղուներ չեն:

- Ի՞նչ ես ասում:

- Այո՛: Այնպես որ, ավելի լավ է ցած իջնեմ:

- Իջի՛ր,- ասաց Քրիստոֆեր Ռոբինը: - Բայց ինչպե՞ս:

Այդ մասին Վինի-Թուխը չէր մտածել: Նա մտածեց, որ եթե պարանը բաց թողնի, կընկնի: Դա նրան դուր չեկավ: Այդ ժամանակ էլի մտածեց և ասաց.

- Քրիստոֆեր Ռոբին, դու պետք է հրացանով խփես փուչիկին:

- Բայց եթե ես խփեմ, փուչիկը կծակվի:


- Իսկ եթե չխփես, ես կծակծկվեմ,- ասաց Թուխը:

Քրիստոֆեր Ռոբինը անմիջապես հասկացավ, թե ինչ պետք է անել: Նա խնամքով նշան բռնեց և կրակեց:

- Վա՛յ, վա՛յ, վա՛յ,- լաց եղավ Թուխը:

- Մի՞թե վրիպեցի,- հարցրեց Քրիստոֆեր Ռոբինը:

- Չի կարելի ասել, թե վրիպեցիր,- ասաց Թուխը,- բայց փուչիկին չղիպար:



- Ների՛ր, խնդրում եմ,- ասաց Քրիստոֆեր Ռոբինը և նորից կրակեց: Այս անգամ նա չվրիպեց: Օդն սկսեց կամաց-կամաց դուրս գալ փուչիկից, և Վինի-Թուխը բարեհաջող վայրէջք կատարեց:

Միայն թե այդքան ժամանակ թելից կախված լինելու պատճառով նրա թաթերը ամբողջովին փայտացել էին:

Մի ամբողջ շաբաթ Թուխը չէր կարողանում առջևի թաթերը շարժել, և դրանք այդպես էլ մնացել էին վեր տնկված: Եվ եթե նրա քթին ճանճ էր նստում, ստիպված էր լինում այդ աներեսին փչելով քշել՝ «թո՛ւխս, թո՛ւխս»:

Եվ գուցե, թեև ես դրանում համոզված չեմ, գուցե հենց այդ դեպքից հետո էլ Քրիստոֆեր Ռոբինը նրան Թուխ անվանեց:



Այս պատմությունը մեղուների անունից պատմիր:

*Քեզ դուր եկա՞վ այս պատմությունը:
Կուզե՞ս իմանալ Վինի-Թուխի
և նրա ընկերների
մյուս արկածների մասին:
Ուրեմն կարդա
Ա.Ա.Միլնի
«Վինի-Թուխը և բոլոր բոլորը»
գիրքը:*

ՄԱՆՉՈՒԿՆ ՈՒ ԿԱՌԼՍՈՆԸ

(1-ին մաս)

Ստոկիովմ քաղաքը սովորական քաղաք է: Այդ քաղաքի շատ սովորական մի շենքում ապրում է սովորական մի ընտանիք:

Այդ ընտանիքում բոլորը սովորական են՝ հայրիկն էլ է սովորական, մայրիկն էլ: Բոսան, Բետան և Մանչուկն էլ սովորական երեխաներ են:

Ամբողջ շենքում ընդամենը մի անսովոր արարած կա՝ Կառլսոնը, որն ապրում է կտուրի վրա:

Գուցե ուրիշ քաղաքներում կտուրի վրա ապրելը սովորական բան է, բայց այստեղ ոչ ոք կտուրի վրա չի ապրում:

Կառլսոնը փոքրիկ, հաստլիկ, ինքնավստահ մարդուկ է: Նա կարողանում է թռչել: Հենց փոքրի վրայի կոճակը սեղմի, մեջքին գտնվող փոքրիկ շարժիչը կաշխատի, մի քիչ հետո կպտտվի պտուտակը, և Կառլսոնը կթռչի:


Նա շատ լավ է զգում կտուրի վրա, ամեն երեկո նստում է ու նայում աստղերին, կտուրից աստղերն ավելի լավ են երևում:

Մարդիկ նույնիսկ չգիտեն, որ կտուրի վրա տնակ կա, չեն էլ կարող տեսնել, որովհետև այն թաքնված է ծխնելույզի ետևում: Ընդհանրապես, մեծերը ուշադրություն կդարձնե՞ն այդքան փոքր տան վրա:

Մանչուկին տանը բոլորը սիրում են ու երես տալիս: Բայց այդ օրը, երբ նա ու Կառլսոնը ծանոթացան, այնքան էլ հաջող օր չէր, և Մանչուկ լինելը բոլորովին էլ հրաշալի չէր: Բոլորը նեղացրել էին իրեն, իսկ հայրիկը բարկացել էր դպրոցից ուշ գալու համար:

- Թափառում ես փողոցներում,- ասել էր նա:

Բայց, ախր, հայրիկը չգիտեր, որ ճանապարհին մի փոքրիկ, սիրունիկ շնիկ էր հանդիպել, հոտոտել էր իրեն, շարժել պոչիկը, կարծես ուզում էր ի՞ր շնիկը դառնալ: Մանչուկը նրան կրերեր, բայց ո՞վ կթողներ տանը շուն պահել: Բացի դրանից, այդ ժամանակ մի մորաքույր էր հայտնվել և կանչել շանը:



- Ռիկի՛, Ռիկի՛:

Փոքրիկը հասկացել էր, որ շունը երբեք իրենը չի լինի:

- Ուրեմն ամբողջ կյանքում առանց շան եմ ապրելո՞ւ,- տխուր ասաց Մանչուկը: - Ա՛յ, մայրի՛կ, դու հայրիկ ունես, Բեսան և Բետան միշտ միասին են, իսկ ես... ես մե- նակ եմ, ոչ որ չունեմ:

- Սիրելի՛ Մանչուկ, չէ՞ որ բոլորս քոնն ենք,- ասաց մայրիկը:

- Չգիտեմ...,- հոգոց հանեց Մանչուկը, ու նրան հանկարծ թվաց, թե ինքը մեծ-մե- նակ է աշխարհում ու ոչինչ չունի:

Ասենք՝ մի սենյակ ունի և գնաց այնտեղ:



Պատմի՛ր Մանչուկի ընտանիքի մասին:



Պատմի՛ր Կառլսոնի մասին:



Պատմի՛ր Մանչուկի մասին:



Պատմիր Մանչուկի և շան հանդիպման մասին:

Գրողը համարում էր, որ շանը բոլոր բաները...

Blank lined writing area for the first exercise.



Ի՞նչ կենդանի կուզեիր ունենալ. ինչո՞ւ:

Blank lined writing area for the second exercise.



Ի՞նքզ հորինիր.

Blank lined writing area for the third exercise.


ՇՆԻԿՆ ՈՒ ԼՈՒՄԻՆԸ



Blank lined writing area for the section 'ՇՆԻԿՆ ՈՒ ԼՈՒՄԻՆԸ'.

ՄԱՆՉՈՒԿՆ ՈՒ ԿԱՌԼՍՈՆԸ

(2-րդ մաս)



Գարնանային պարզ երեկո էր: Երկնքում աստղերը նոր էին սկսել երևալ: Մանչուկը նայում էր բաց պատուհանից ու մտածում այն շնիկի մասին, որին ցերեկն էր հանդիպել: Փոքրիկը հոգոց հանեց: Հանկարծ ինչ-որ թույլ բզզոց լսվեց: Չայնը քիչ-քիչ ուժեղացավ, ու ա՛յ քեզ բան, պատուհանի մոտ՝ օդում մի հաստիկ մարդուկ երևաց: Դա հենց Կառլսոնն էր, որն ապրում էր կտուրի վրա: Մանչուկը նրան դեռ չէր ճանաչում: Կառլսոնը երկա՛ր նայեց Մանչուկին ու թռավ: Բարձրացավ վեր, պտտվեց ծխնելույզի շուրջը, վերադարձավ և փոքրիկ ինքնաթիռի նման մի երկուերեք պտույտ գործեց:

Փոքրիկը զարմացած սպասում էր, թե ինչ է լինելու. հուզմունքից շունչը կտրվում էր, չէ՞ որ պատուհանի մոտով ամեն օր հաստիկ մարդուկներ չեն թռչում:

Մարդուկը մոտեցավ պատուհանին.

- Ողջո՛ւյն: Կարելի՞ է այստեղ մի վայրկյան վայրե՞ջք կատարել:
- Իհարկե, խնդրեմ,- շտապ պատասխանեց Մանչուկը,- ի՞նչ է, դժվա՞ր է թռչել:
- Թռչե՛լը... բոլորովին,- շատ լուրջ ասաց Կառլսոնը,- չէ՞ որ ես աշխարհի ամենալավ թռչողն եմ: Անունդ ի՞նչ է:

- Մանչուկ:

- Իսկ ին՞ը Կառլսոն է: Ուղղակի Կառլսոն ու՛ վերջ: Ողջո՛ւյն, Մանչուկ:

- Ողջո՛ւյն, Կառլսո՛ն:

- Բանի՞ տարեկան ես:

- Յոթ:

- Հրաշալի է: Շարունակենք գրույցը,- ասաց Կառլսոնը: Մի վայրկյան հետո նա հայտնվեց սենյակում:

- Իսկ դո՞ւ քանի տարեկան ես,- հարցրեց Մանչուկը. չէ՞ որ Կառլսոնը իրեն երեխայի նման էր պահում, և չէիր ասի, թե մեծահասակ է:

- Քանի տարեկա՞ն եմ. ես ուժերի ծաղկուն շրջանում գտնվող տղամարդ եմ:

Փոքրիկը լավ չէր հասկանում՝ ինչ է նշանակում ուժերի ծաղկուն շրջանում գտնվող տղամարդ: Գուցե ի՞նքն էլ է գտնվում ուժերի ծաղկման շրջանում: Այդ պատճառով էլ զգո՞ւյշ հարցրեց.

- Իսկ ո՞ր տարիքում են ուժերը ծաղկում:

- Ցանկացած,- ինքն իրենից գոհ պատասխանեց Կառլսոնը: Ցանկացած, եթե խոսքն ի՛նչ մասին է: Ես գեղեցիկ, խելացի տղամարդ եմ:



Պատմի՛ր՝ ինչպես հայտնվեց Կառլսոնը:



Ինչպիսի՞ն է Կառլսոնը: Ինչո՞ւ են այդպես կարծում:



Ինչպիսի՞ տղամարդ է Կառլսոնն իր կարծիքով:



Շարունակի՜ր հորինել.

Վինի-Փուխը, փուչիկից բռնած, կախվել է օդում: Որտեղից որտեղ հայտնվում է Կառլսոնը:

Handwriting practice lines consisting of several horizontal lines.

Ի՞նչ դժվար է թռչելը



Մարդը միշտ երազել է թռչել: Քանի որ թևեր չի ունեցել, փորձել է թռչել սարքերի միջոցով:

Թռչող մեքենաների առաջին գծագրերը կատարել է իտալացի մեծ նկարիչ, գիտնական Լեոնարդո դա Վինչին մոտ 500 տարի առաջ: Բայց թռչող մեքենա ստեղծելը այնքան էլ հեշտ գործ չէր:

110 տարի առաջ մի ռուս զինվորական ստեղծեց առաջին թռչող սարքը: Այն բավականին նման էր ժամանակակից ինքնաթիռին, բայց շատ թերություններ ուներ: Առաջին ինքնաթիռը գետնից բարձրացավ, թեքվեց կողքի և կոտրեց թևը:

Դրանից հետո տարբեր երկրներում մարդիկ շարունակեցին թևավոր մեքենաներ ստեղծելու փորձերը:

90 տարի առաջ ամերիկացիների ստեղծած ինքնաթիռը օդ բարձրացավ, անցավ 32մ: Առաջին թռիչքը տևեց մի քանի վայրկյան: Դա իսկական թռիչք էր՝ վերելքով ու վայրէջքով: Հետագայում ինքնաթիռներն անընդհատ կատարելագործվեցին:

Ի՞նչ կարող ես պատմել ժամանակակից ինքնաթիռների մասին:

Handwriting practice lines for the text prompt above.

ՄԱՆՉՈՒԿՆ ՈՒ ԿԱՌԼՍՈՆԸ

(3-րդ մաս)



Կառլսոնը մոտեցավ Մանչուկի պահարանին, վերցրեց խաղալիք մեքենան:

- Արի՛ սա լարենք:

- Առանց հայրիկի չի կարելի,- ասաց Մանչուկը: - Մեքենան կարելի է աշխատեցնել միայն հայրիկի կամ Բոսեի հետ:

- Հայրիկի, Բոսեի կամ Կոռորի վրա ապրող Կառլսոնի հետ: Խաղալիք մեքենաների ամենալավ մասնագետը աշխարհում Կառլսոնն է: Հայրիկիդ էլ այդպես կասես:

Նա վերցրեց մեքենայի շիշը, սպիրտը նրա միջից դատարկեց մեքենայի մեջ և վառեց պատրույգը: Չնայած Կառլսոնը խաղալիք շոգեմեքենայի լավագույն մասնագետն էր, բայց սպիրտը լցնելիս այնպես թափեց, որ դարակի վրա սպիրտի լճակ առաջացավ: Լճակը տեղնուտեղը վառվեց, կրակի լեզվակներն սկսեցին պարել: Մանչուկը վախեցած ճչաց ու հետ փախավ:

- Հանգիստ, միայն հանգիստ,- ասաց Կառլսոնը՝ բարձրացնելով քնքրիկ թաթը: Բայց Մանչուկը չէր կարող հանգիստ կանգնել ու նայել: Նա վերցրեց լարի կտորը, խիելով՝ հանգրքեց կրակը: Դարակի վրա տեղ-տեղ անշնորհք բծեր հայտնվեցին:

- Տես՛ ինչպես փչացավ դարակը,- մտահոգ ասաց Մանչուկը: - Հիմա մայրիկն ի՞նչ կասի:

- Հասարակ բան է: Մի քանի պատիկ բծեր են, էլի: Մայրիկիդ այդպես էլ ասա:

Մի քանի վայրկյան հետո մեքենան աշխատեց՝ փո՛ւֆ-փո՛ւֆ-փո՛ւֆ: Կառլսոնի աչքերը փայլեցին, նա շատ հպարտ էր, կարծես ինքն էր հայտնագոր-

ծել մեքենան:

- Փո՛ւֆ-փո՛ւֆ-փո՛ւֆ,- ծխում էր մեքենան:

Մանչուկը մոռացել էր դարակի բծերը. նա երջանիկ էր, որ ծանոթացել է այս մեքենայի լավագույն մասնագետի հետ:

- Դե, Մանչո՛ւկ,- ասաց Կառլսոնը,- ա՛յ, սա գործ է, ես աշխարհի լավագույն մաս...

Խոսքը մնաց Կառլսոնի բերանում, որովհետև հենց այդ պահին պայթյուն լսվեց. մեքենան այլևս չկար, նրա կտորները թռան սենյակով մեկ:

- Պայթե՛ց,- հիացած կանչեց Կառլսոնը, կարծես այդ մեքենայով նա աշխարհի ամենահետաքրքիր ֆոկուսն էր արել:

- Ազնիվ խոսք, մեքենան պայթեց: Ի՛նչ պայթյուն էր: Ի՛նչ լավ էր:

Իսկ Մանչուկը կանգնել էր շփոթված, արցունքն աչքերում:

- Իմ մեքենան,- սնգրտաց նա,- իմ մեքենան կտոր-կտոր եղավ:

- Հասարակ բան է,- Կառլսոնը անհոգ թափ տվեց հաստիկ թաթը,- ես քեզ ավելի լավը կտամ:

- Դո՛ւ,- զարմացավ Մանչուկը:

- Այո՛, վերևում ես հազար հատ այսպիսի մեքենա ունեմ:

- Որտե՞ղ՝ վերևում:

- Վերևում, կտորի՞ն գտնվող իմ տնակում:

- Դու տնակ ունե՞ս և հազար հատ մեքենա՞:

- Դե, մի երկու հարյուր հատ հաստատ կլինի:

- Ա՛յ քեզ հրաշք՝ մեքենաներով լցված տուն,- հիացավ Մանչուկը: - Ինչպե՛ս կուզեի այնտեղ գնալ:

- Դե, ես չեմ հաշվել քանի մեքենա է մնացել, բայց մի քանի հատ կլինի:

- Եվ դու մեկն ինձ կտա՞ս:

- Իհարկե՛:

- Հենց հիմա՞:

- Դեռ ո՛չ: Շուտով դու կստանաս քո մեքենան: Մանչուկը սկսեց հավաքել պայթած մեքենայի մասերը:

- Պատկերացնում եմ՝ ինչպես կբարկանա հայրիկը:

- Դա հասարակ բան է: Մի՞թե դրա համար բարկանում եմ: Այդպես էլ ասա հայրիկիդ: Ես կասեի, բայց շտապում եմ, վերևում գործեր կան, պիտի տուն գնամ:

- Շատ լավ է, որ մենք հանդիպեցինք: Ափսոս մեքենան... Դու էլի կգա՞ս...

- Հանգի՛ստ, միայն հանգի՛ստ,- ասաց Կառլսոնը և սեղմեց փոքրի վրայի՛ կոճակը: Շարժիչը սկսեց դռալ: Քիչ հետո մեջքի պտուտակը պտտվեց: - Շարժիչս խոխոտում է: Արհեստանոց պիտի գնամ, որ յուղեն: Դա ինքս կանեի, բայց ժամանակ չկա:

Կառլսոնը պատուհանից դուրս թռավ: Նրա փոքրիկ, հաստիկ մարմինը պարզ երևում էր աստղերով ծածկված երկնքի տակ:

- Հաջողությո՛ւն, Մանչո՛ւկ,- կանչեց Կառլսոնը, թափ տվեց թմբիկ թաթիկը և անհետացավ:




Փորձիր պատմել այս պատմության ամենատխուր հատվածը:



Քեզ դուր եկավ Կառլսոնը. ինչո՞ւ:



Քո կարծիքով ինչե՞ր կան Կառլսոնի տանը:



Ավտոմոբիլ

Թվում է, թե անհիվից պարզ ոչինչ չկա: Բայց անհիվը մարդու ամենամեծ հայտնագործություններից է: Մարդը անհիվով սայլ ստեղծեց, այդ սայլին ծի կամ ուրիշ կենդանի լծեց: Բայց մարդիկ երազում էին այնպիսի սայլ ունենալ, որ ինքն իրեն շարժվեր: Մոտ 230 տարի առաջ մի ֆրանսիացի ծիերի փոխարեն սայլին մեքենա լծեց: Այդ մեքենան գոլորշիով էր աշխատում: Հենց մեքենայի կաթսայի գոլորշին վերջանում էր, սայլը կանգնում էր: Մարդն իր ստեղծածը ավտոմոբիլ անվանեց, որ նշանակում է ինքն իրեն շարժվող:

Մանչուկի և Կառլսոնի մյուս արկածների մասին կարող ես կարդալ Աստրիդ Լինդգրենի «Մանչուկն ու Կառլսոնը» գրքում

ԱՐԱԳԻԼ

(ժողովրդական)

Արագի՛լ, բարով եկար,
Հա՛յ, արագի՛լ, բարով եկար.
Դու մեզ գարնան նշան բերիր,
Մեր սրտերը ուրախ արիր:

Արագի՛լ, երբ գնացիր,
Դու մեզանից երբ գնացիր,
Հա՛ փչեցին բուք ու բորան,
Ծաղիկները ամեն տարան:

Արագի՛լ, բարով եկար,
Հա՛յ, արագի՛լ, բարով եկար.
Բունդ շինիր էն հին ծառին,
Մեզ մոտ մնա ամբողջ տարին:



Արագիլի գալն ինչո՞ւ է բոլորին ուրախացնում, բանաստեղծության համապատասխան տողերը գրիր:



Դու՛ ըս գրիր քեզ դուր եկած քառատողը:



Հանելուկ հորինիր արագիլի և գարնան մասին:





Ինչի՞ են նման

Գարնան ծաղկած ծառը նման է _____

Գարնան առուն _____

Ձյան մեջ աճած ձնծաղիկը _____

Հեռագրի՞ր արագիլին, որ գա, գաղուն բերի:



Ի՞նչը հորինիր.

ԱՐԱԳԻԼՆ ՈՒ ԳԱՐՈՒՆԸ

Ականջիդ օղ արա .

Օձի փուշը արագիլը կմարսի:

Մարտի իննին՝ լագլագը (արագիլը) բնին:

Արագիլ

Աշխարհում արագիլի 17 տեսակ կա: Հայաստանում տարածված է սպիտակ արագիլը: Երբեմն հանդիպում է նաև անտառներում, ճահճուտներում ապրող արագիլը:

Սպիտակ արագիլը մարդուց չի վախենում և բույնը հյուսում է գյուղերին մոտիկ բարձր ծառերի կատարներին, սյուներին, գյուղական տների կտուրներին: «Հյուսողը» մայր արագիլն է, իսկ «շինանյութը» կրում են երկուսը՝ հայրը և մայրը:

Ապրում են զույգերով: Ապրիլին արագիլը 3-7 ձու է դնում, 30-32 օր թուխս է նստում: Աշնանը արագիլները տաք երկրներ են չվում, գարնանը վերադառնում իրենց նախկին բները:

Սնվում են ձկներով, սողուններով, մկնանման կրծողներով, բուսական կերով: Մարմնի երկարությունը 76-152 սմ է: Ունի երկար, ուղիղ կամ թեթևակի կեռ կտուց, լայն թևեր:

Արագիլների ձայնալարերը զարգացած չեն. նրանք համարյա ձայն չեն հանում, կտուցով կափկափում են*:

Սարդիկ արագիլներին շատ են սիրում, ասում են, որ նա բարություն ու հաջողություն է բերում: Շատ երկրներում, ինչպես նաև Հայաստանում, արագիլներին սպանելը մեղք է:

Երանց մասին շատ պատմություններ, երգեր, բանաստեղծություններ կան:

*կափկափել - կտուցի բախյունով ձայն արձակել



Որտե՞ղ են բույն հյուսում արագիլները:

Ինչո՞վ են սնվում արագիլները:

Ինչու՞ արագիլները ձայն չունեն:

Մեր այգու դռան մուտով
Գնում է մի ջինջ առու,
Մեր այգու անուշ հոտով
Գնում է հեռու ւ, հեռու ւ:

Գնում է ու չի քնում,
Չի քնում բոլոր տարիին,
Գնում է, զնում, զնում,
Խառնվում նրբառանին:

Ափերին՝ ծառ ու ծաղիկ,
Հատակին՝ ոսկի ավազ,
Գնում է այլը-այլք,
Հասնում է մինչև Արագ:

Հյուսվում է Արագի հետ,
Նրա հետ մանում է ծով,
Մեր այգու ցողերի հետ,
Մեր այգու անուշ հոտով:

Մեր այգու դռան մուտով
Գնում է մի ջինջ առու,
Մեր այգու անուշ հոտով
Գնում է հեռու ւ, հեռու ւ:

բոլոր տարիին - տարեկան տարիս



Փակագծերում գրված բառերից մեկը ընտրիր և գրիր.

Մեր այգու դռան մուտով

Գնում է մի _____ առու:

(ջինջ, պարզ, գույտ, բախանցիկ)

Մեր այգու _____ հոտով

Գնում է հեռու ւ, հեռու ւ.

(քնում, անուշ, բարձրաձայն)

Գնում է ու չի քնում,

Չի քնում _____

(ոչ ու գիշեր, ութ տարիին, բոլոր տարիին)

Ափերին ծառ ու ծաղիկ

Հատակին _____ ավազ...

(դեղին, ոսկի, մանր)

ԷՄԻԼԻ ԱՐԿԱԾՆԵՐԸ

(հատված)

1-ին մաս

Էմիլը գյուղում էր ապրում: Նա շատ չարաճճի էր ու համառ, ուղղակի քո հակառակը, չէ՞: Չնայած շատ բարի ու լսող տղա էր երևում՝ մանավանդ քնած ժամանակ: Ուզո՞ւմ էս նրան նկարագրեն: Ջինջ, կապույտ աչքեր, թմբիկ մոռոթ, կարմիր այտեր ու ցորնագույն խճճված մազեր, ուղղակի հրեշտակ:

Բոլոր հայրիկների նման Էմիլի հայրն էլ անկարգությունների համար պատժում էր իր տղային. ամեն չարությունից հետո Էմիլին զցում էր ցախատուն: Ճիշտն ասած, այնտեղ բոլորովին էլ ձանձրալի չէր: Յախատանը շատ տախտակներ ու քոթուկներ կային, և Էմիլը ամեն անգամ մի փայտի կտոր էր գտնում ու որևէ ծիծաղելի մարդուկ սարքում դրանից:

Այս անգամ էլ հայրն Էմիլին զցել էր ցախատուն, և նա իր հիսունչորսերորդ մարդուկն էր պատրաստում: Շուտով Էմիլը ձանձրացավ և ուզեց դուրս գալ ցախատնից: Ծնողներն, ըստ երևույթին, հյուրերով էին զբաղված և մոռացել էին նրան: Նա սպասեց, սպասեց, բայց ոչ ոք չեկավ դուռը բացելու: Էմիլը որոշեց ինքնուրույն ազատվել «բանտից»: Տախտակների կույտի վրայով նա մոտեցավ պատուհանին, բացեց այն, ուզեց ցած թռչել, բայց երբ ցած նայեց, պատուհանի տակ եղինջի մի ամբողջ թփուտ տեսավ: Էմիլը մի անգամ թռել էր եղինջների մեջ և հիմա ոչ մի ցանկություն չունեք կրկնել իր «հերոսությունը»...

- Ես հո խելագար չեմ,- ինքն իրեն ասաց Էմիլը, - այստեղից դուրս պրծնելու ուրիշ միջոց կգտնեմ:

Նա մտքի մեջ ընկավ, հետո մի անգամ էլ չորս կողմը նայեց: Հենց այդ ժամանակ էլ նկատեց, որ ցախատանը շատ մոտ գտնվող մառանի պատուհանը բաց է: Նրա գլխում իսկույն մի միտք փայլեց. մի պատուհանից մյուսը տախտակ դնել և դրա վրայով մտնել մառան: Ճիշտն ասած, նա շատ էր հոգնել ցախատանը նստելուց և լա՛վ էլ քաղցած էր:



Էմիլը երկար մտածել չէր սիրում: Մի վայրկյան անց տախտակը դրված էր, և Էմիլը սողում էր նրա վրայով:

Տախտակը ճոճում ու ճկվում էր: Երբ Էմիլը ցած նայեց ու տեսավ եղինջի բարձր թփերը, վախից ճոճվեց, բայց շարունակեց սողալ և վերջապես հասավ մառան: Նա ետ հրեց տախտակը, որն անհետացավ ու շրխկոցով ընկավ ցախատան տախտակների վրա: Էմիլը գոհ էր իրենից: Նա վազեց դեպի դուռը, բայց դուռը փակ էր:

- Այդպես էլ գիտեի,- հոգոց հանեց Էմիլը: - Բայց ոչինչ, շուտով նրանք կգան երշիկ վերցնելու, այն ժամանակ գնդակի նման դուրս կքոչեն այստեղից:

Նա սկսեց հոտոտել: Մառանը լցված էր համեղ հոտերով: Շուրջը նայեց: Այլ թեզ բա՛ն: Ինչքա՛ն ուտելիք կա: Իսկ մեջտեղի դարակում տնական երշիկներն են:

Ինչ ճիշտ է, ճիշտ է՝ Էմիլը տնական երշիկ սիրում է:

բոթուկ - կոճղ, ծառի բնից կտրած մաս

բփուտ - քփելով ծածկված տեղ

ճկվել - ծռվել, կորանալ, կոր ձև ստանալ



Տրված բառերն ու արտահայտությունները գրի՛ր համապատասխան տեղերում. դուրս գալ, մտածել, հանկարծակի մի բան մտածել, հառաչել:

հոգոց հանել _____

մտքի մեջ ընկնել _____

գլխում միտք փայլել _____

դուրս պրծնել _____



Ըստ այս պատմության պատմի՛ր Էմիլի հայրիկի մասին:



Ինչպիսի՞ն էր Էմիլը. ճիշտ պատասխանն ընդգծի՛ր՝

խելացի, չարաճճի, լսող, հիմար, միամիտ, կովարար, ճարպիկ, համառ, հետաքրքրասեր



Դու էմիլիոն ինչո՞վ ես նման:

Ցավի՞ց էլ օգուտ կա

Բոլորս մտածում ենք՝ ի՞նչ լավ կլինեն, եթե ցավ չլիներ:
Պարզվում է, որ այնքան էլ լավ չէր լինի:

Մի անգամ բժշկի մոտ մի անսովոր հիվանդի էին բերել. նա երբեք ցավ չէր զգացել:
Բռնել էր տաք թավան, վառել էր ձեռքը ու ոչինչ չէր զգացել: Սուր դանակով
ձեռքն էր կտրել, ասեղով՝ մատը ծակել:

Ցավ չզգալու պատճառով նրա մարմինը անպաշտպան էր մնացել:

Տաք իրի դիպչելիս՝ քաշում ես ձեռքդ, ծի՞շտ է:

Ոտքդ սուր քարի դիպչելիս՝ ցավում է, ու դու անմիջապես քաշում ես այն:

Ցավը զգուշացնում է, որ պաշտպանես ինքդ քեզ:



Թվի՞ր՝ երբ է մարդ ցավ զգում:

ԷՄԻԼԻ ԱՐԿԱԾՆԵՐԸ

(հատված)

2-րդ մաս

... Եվ հանկարծ Էմիլի մայրը բացականչեց.

- Վա՛յ, ախր մենք մոռացել ենք Էմիլին: Նա վաղուց ցախատանն է:

Հայրը վազեց ցախանոց, նրա ետևից սլացավ քույրիկ Իդան:

- Էմի՛լ, արդեն կարող ես դուրս գալ,- կանչեց հայրը՝ լայն բացելով ցախանոցի դուռը:

Պատկերացնո՞ւմ ես՝ նա ինչպես ապշեց: Էմիլը ցախատանը չէր:

- Անպիտանը պատուհանով է փախել,- մտածեց նա:

Բայց երբ պատուհանից նայեց ու տեսավ եղինջի բարձր ու անվնաս մացառուտները, լրջորեն անհանգրստացավ:

- Չեմ պատկերացնում՝ նա ո՞ր կարող է կորչել,- բացականչեց հայրը:

- Այստեղ ոչ մի հետք չկա: Կարող եմ հաստատ ասել, որ այստեղով մարդ չի անցել:

Քույրիկ Իդան սկսեց լաց լինել: Ի՞նչ է պատահել Էմիլին...

Իրենց ծառան տխուր երգ էր երգում մի աղջկա մասին: Այդ աղջկան զգել էին նկուղ, նա սպիտակ աղավնի էր դարձել ու երկինք թռել, որ չնստի այդ սարսափելի «բանտում»: Չէ՞ որ Էմիլին էլ էին փակի տակ պահել: Ի՞նչ իմանաս, գուցե նա՞ էլ է թռչուն դարձել ու թռել: Իդան շուրջը նայեց, բայց չալպուտուրիկ հավից բացի ոչ մի թռչուն չտեսավ:

Քույրիկ Իդան ավելի ուժգին լաց եղավ ու ցույց տվեց հավին.


- Գուցե սա Էմիլն է:

Էմիլի հայրը, իհարկե, այդ կարծիքին չէր, բայց, չգիտես ինչու, վազեց մայրիկի մոտ:

- Դու չե՞ս նկատել, Էմիլը թռչել կարողանո՞ւմ էր:

- Գուցե պետք է մառանում փնտրել,- ասաց Լինան՝ նրանց ծառան:

Դա բոլորովին էլ հիմար միտք չէ: Բոլորը նետվեցին մառան: Բայց Էմիլը մառանում էլ չէր:



Քույրիկ Իդան հոնգուր-հոնգուր լաց էր լինում: Երբ ոչ ոք նրան չէր նայում, վազում էր չալպտորիկ հավի մոտ ու շնջում:

- Չհեռանաս մեզանից, Էմիլ: Ես քեզ համար շատ կուտ կբերեմ, միայն թե չքոչես-գնաս:

Հավը ոչինչ չէր ասում, հենց այնպես կոթկոթում էր:

Էմիլին փնտրում էին ամեն տեղ, բոլորն ուղղակի ուժասպառ եղան:

- Գուցե նա գե՞տն է ընկել,- ասաց Լինան:

- Նրան արգելել էինք գետ գնալ, դու դա գիտես,- ասաց մայրը:

Լինան տմբտմբացրեց գլուխը.

- Գիտեմ, այ հենց դրա համար էլ այնտեղ է գնացել:

Բոլորը վազեցին գետափ: Էմիլի հետքերը այստեղ էլ չկային: Բոլորը լաց էին լինում:

Այլևս տեղ չկար, որ Էմիլին փնտրած չլինեին:

- Հիմա ի՞նչ անենք,- հուսահատված հարցրեց մայրը:

- Առաջին հերթին պետք է ուժերը վերականգնել,- որոշեց հայրը: Մայրը սկսեց սեղան պատրաստել: Քիչ հետո դիմեց Լինային.

- Լինա՛, ախր մենք մոռացել ենք երշիկ բերել: Վազիր մառան ու բեր:

Լինան վերադարձավ առանց երշիկի:

- Եկեք իմ ետևից, տեսեք՝ ինչ եմ ցույց տալու:

Բոլորը գնացին: Լինան բացեց մառանի ծանր դուռը ու ներս մտավ: Մառանում նա կանգնեց մեծ պատուհանի առաջ, քնծիծաղով բացեց նրա դռները, ցույց տվեց մեջտեղի դարակը, որտեղ մայրիկը ապխտած երշիկներն էր պահում:

Գարակում երշիկ չկար: Փոխարենը այնտեղ էր Էմիլը:

Նա քնած էր: Պառկել էր երշիկի կեղևների «դեզի» վրա ու քնել: Նրա մայրը երջանիկ էր: Կարևոր չէ, որ Էմիլը կերել էր ամբողջ երշիկը: Մայրիկի համար կարևորը Էմիլի գտնվելն էր, քան մի քանի կիլոգրամ երշիկը: Ասենք, հայրիկի համար, նույնպես:

- Ահա, Էմիլն է պառկած,- ծղրտաց քույրիկ Իդան: - Նա հավ չի դարձել... Առայժմ չի դարձել:

նետվել - արագ իրեն զգել մի տեղ

մացառուտ - փշուտ, ծակող բույսերով ծածկված տեղ

ուժերը վերականգնել - ուժ հավաքել

ապխտած - հատուկ եղանակով պատրաստած և չորացրած միս



Պատմիր քույր Իդայի մասին:



Քույր Իդան ի՞նչ կպատմի իր եղբոր՝ Էմիլի մասին:

Four horizontal lines for writing.



Էմիլը ի՞նչ կպատմի իր հոր մասին:

Four horizontal lines for writing.



Քեզ դուր եկա՞վ Էմիլը. ինչո՞ւ:

Four horizontal lines for writing.



Ի՞նքո՞ւ հորինիր.

Ինչո՞ւ հորինեցի իմ հոր մասին - իմ հոր մասին հորինեցի իմ հոր մասին

ԷՄԻԼԻ ՆՈՐ ԱՐԿԱԾՆԵՐԸ

Four horizontal lines for writing.

Էմիլի
մյուս արկածների մասին
կարող ես կարդալ
Ա. Լինդգրենի
«Էմիլի արկածները»
գրքում:

Four horizontal lines for writing.

Լուսնկա գիշեր,
Երկինքը պայծառ,
Անհամար աստղեր
Ցուցում են վառ:

Քնած է արդեն
Մթնած ու լուռ է
Գյուղացու հյուրը:

Հոգնած գյուղական
Ընտանիքն ահա
Սրահում, կալում,
Կամ կտրի վրա:

Երկնքի դիմաց
Գրկված են քնած,
Վերևից, ասես,
Ժպտում է Աստված:

*հյուր - փոքրիկ տնակ, խրճիթ
կալ - հացահատիկը կալսելու, մանրելու տեղ*



ԲՈՎԱՆԴԱԿՈՒԹՅՈՒՆ

Տերևը	Համո Սահյան	3
Ոգնի		4
Չափարժիտ	մշակույթ՝ Արուսյակ Սահակյանի	5
Դնծրուկն ու արժիվը		7
Փափուկ ձյուն	Գեղամ Սարյան	8
Ինչի՞ց է առաջանում ձյունը		9
Չմեռը	փոխադրություն՝ Լևոն Շանթից	10
Ոսկու կարասը	Հովհաննես Թումանյան	12
Մոփորենք շախմատ խաղայ		15
Կիկոսի մահը	Հովհաննես Թումանյան	16
Մեր մարմինը		20
Իմ առաջին հանրագիտարան		20
Չարի վերջը	Հովհաննես Թումանյան	21
Թռչնի ձագերը		25
Մուկիկի մահը	Հովհաննես Թումանյան	26
Լորիկ		29
Պույալոյ մկնիկը	Դերենիկ Դեմիրճյան	30
Ինչի համար են առամները		33
Չափիկ		34
Գնդիկ-Բոքոնիկ	ռուսական ժողովրդական հեքիաթ	35
Կռիվը գլուխ չեկավ	Ավետիք Իսահակյան	38

Ոչ մի բանից մարդուկը	Ջանի Ռոդարի.....	39
<i>Բարի հսկան՝ փիղը</i>		41
Կանաչ ախպեր	Հովհաննես Թումանյան.....	42
Մարտ	Հովհաննես Թումանյան.....	44
<i>Երեկ ո՞ր էիր, Արև՝</i>		45
Տաղ ձնծաղիկի (հատված)	Վահագն Դավթյան	46
<i>Կարող է միաժամանակ ե՛՛ ձմեռ լինել, ե՛՛ գարուն</i>		47
Վինի-Թուխ (1-ին մաս)	Ա.Ա.Միլն	48
<i>Արջ</i>		51
Վինի-Թուխ (2-րդ մաս)		52
<i>Ինչ է սիրում արջը</i>		54
Վինի-Թուխ (3-րդ մաս)		55
Մանչուկն ու Կառլսոնը (1-ին մաս)	Աստրիդ Լինդգրեն	58
Մանչուկն ու Կառլսոնը (2-րդ մաս)		61
<i>Ինչ դժվար է բռնելը</i>		63
Մանչուկն ու Կառլսոնը (3-րդ մաս)		64
<i>Ավտոմոբիլ</i>		66
Արագիլ (ժողովրդական)	Հովհաննես Թումանյան.....	67
<i>Արագիլ</i>		69
Առուն	Համո Սահյան	70
Էմիլի արկածները (1-ին մաս)	Աստրիդ Լինդգրեն	72
<i>Յավի՞ց էլ օգուտ կա</i>		74
Էմիլի արկածները (2-րդ մաս)		75
Անառվա գիշերը գյուղում	Հովհաննես Թումանյան.....	78

Գիրքը կազմեցին՝
ԱԻԴԱ ՊԵՏՐՈՍՅԱՆԸ

և _____

Նկարագարդեցին՝
ԱՐՏԱԿ ԲԱԳԴԱՍԱՐՅԱՆԸ

և _____

Աիդա
Պետրոսյան

ԸՆԹԵՐՅԱՐԱՆ

գիրք-տետր
երկրորդ դասարանցիների համար
(երկրորդ մաս)

Խմբագիր՝	Ա. Համբարձումյան
Գեղ. խմբագիր՝	Ա. Բաղդասարյան
Տեխն. խմբագիր և էջադրող՝	Հ. Սարգսյան
Սրբագրիչ՝	Ն. Գևորգյան
Համակարգչային շարվածքը՝	Հ. Մալխասյան

Հանրային կրթության նախարարություն
Երևանի մարզպետարան
Երևան, 1999 թ. 10-11-ին
Գրքերի և տպագրության նախարարություն
Երևան, 1999 թ. 10-11-ին

Տպագրվել է 1000 օրինակով
Երևանի «Պրինտ» տպագրական գործարանում
Տպագրող՝ Երևանի «Պրինտ» տպագրական գործարան

Երևանի մարզպետարանի հրատարակչություն
Երևան, 1999 թ. 10-11-ին

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՊՐԱՆՈՒԹՅԱՆ ԿՐԹԱԳՐԱԿԱՆ ԿԵՆՏՐՈՆ

Կրթության
մարտիկ

Հայաստանի Հանրապետության
Արևիկա մարզի Կրթության կենտրոնի
(Երևան)

Հայաստանի Հանրապետության
Կրթության մարտիկ
Հայաստանի Հանրապետության
Կրթության մարտիկ
Հայաստանի Հանրապետության
Կրթության մարտիկ
Հայաստանի Հանրապետության
Կրթության մարտիկ

Ստորագրված է տպագրության՝ 08.01.1997թ.:
Ծավալը՝ 10.5 տպ. մանուկ: Չափսը՝ 60x84 1/8:
Թուղթ՝ օֆսեթ № 1, 70գր/մ²:
Տպագրությունը՝ օֆսեթ:
Առաջին քաղաքական: Տպաքանակը՝ 10000:



ՀՀ Կրթության և գիտության նախարարության
«ՆՈՐ ԳՊՐՈՑ» հրատարակչություն:
Երևան, Սիմոն Կրաջյանի փող., 73:

Տպագրված է «ՎԱ-ՅԱ» ՍՊԸ տպարանում
Երևան, Սպորտիստների փող., 73:



ՁՄԵՌԸ

ՓՈՆԱՂՐՈՒԹՅՈՒՆ
Լ. ՇԱՆԹՅ



- Օ՛ ֆ, ե՞րբ պիտի անցնի այս անպիտան ձմեռը,- ասում էին մարդիկ:
 - Օ՛ ֆ, ե՞րբ պիտի վերջանա այս անիրավ ձմեռը,- գանգատվում էին կենդանիները նեղ որջերում:
 - Օ՛ ֆ, ե՞րբ պիտի ազատվենք այս անտանելի ձմռան ճյունից,- տրտնջում էին թռչունները մերկ ճյուղերի վրա:
- Մաստիկ բարկացավ ձմեռը և վճռեց միանգամից ոչնչացնել ամենքին:
Չայն տվեց սառը քամիներին, կանչեց սառնամանիքներին, հավաքեց իր ամբողջ գորությունը՝ և հարձակ-

վեց աշխարհի վրա:

Խոր ճյունով բռնեց բոլոր ճանփաները, սառույցով կապեց գետերը, սառցե սրեր կախեց տանիքներից ու ծառերից, սառցե վարագույրներ քաշեց պատուհաններին, ծածկեց բոլոր որջերի մուտքերը, դանակի պես սուր քամի արձակեց դաշտերի, սարերի, ձորերի վրա:

Բայց իզուր:

Թռչունները կուչ եկան տների ծածկերի տակ, ծխնելույզների մոտ, տաք ճեղքերի մեջ ու ապրեցին: Վայրի կենդանիները, հաստ մուշտակներ հագած, չվախեցան ձմռան բարկությունից, դուրս եկան՝ որս անելու:

Մարդիկ ամուր փակեցին պատուհաններն ու դռները, վառեցին վառարանները, տաք հագնվեցին ու գնացին իրենց գործին:

Չմեռն այս բոլորը տեսավ ու հուսահատվեց:

Յուրտը օր օրի թուլացավ, արևը գնալով ավելի տաքացավ, լսվեց ջրերի գլգլոցը, թռչունները երգեցին, դաշտերը քիչ-քիչ կանաչ հագան, ու մարդիկ բացեցին դուռ ու լուսամուտ:

Գարուն էր:

- գանգատվել - բողոքել
- վճռել - որոշել
- գորություն - ուժ, հզորություն
- որջ - գազանների բույն

